

杜詩鏡銓

五  
六

土岐文庫  
文庫17  
W130  
4



26-4

文庫 17  
W 130  
4



杜詩鏡銓卷五 乾元中公出為華州司功棄官客秦州作

至德二載甫自京金光門出間道歸鳳翔乾元

初從左拾遺移華州掾與親故別因出此門有

悲往事 長安志唐京師外郭城西面三門北開遠中金光南苑平

去歲疏救房瑄瑄雖罷相猶在朝至乾元元年六月瑄敗邠州刺史公遂以瑄黨出自是不復至京師矣

此道昔歸順 謂是行在 西郊胡正煩至今猶破膽應有未招

魂近侍歸京邑 此句言去拾遺而赴華州也 移官豈至尊無才

日衰老駐馬望千門

顧脩遠云移官豈至尊不敢歸怨於君也當時譏毀不言自見又以無才自解更見深厚趙訪云結句言雖遭貶黜不忘朝廷也

首四句明述已  
忠心苦節妙在  
不露

昭和六十年二月一日贈  
土岐善吉唐氏寄

010185186593

寄高三十五詹事

唐書至德二載高適除揚州大都督府長史湖南節度使李輔國惡其才數短毀之

下除太子少詹事

安穩高詹事。兵戈久索居。時來知宣達。以將歲晚莫情疏。天上多鴻雁。池中足鯉魚。相看過半百。不寄一行書。

書

浦二山云慰而候之後四若作怪詞彌見交厚

題鄭縣亭子

唐書華州倚郭為鄭縣老學菴筆記華之鄭縣有西溪在官道旁七八十步澄深可愛亭曰西溪亭

即杜詩鄭縣亭子

雲三句跟憑。鄭縣亭子澗之濱。戶牖憑高發。興新雲斷岳蓮臨。大

高來一明一暗。景各入妙。

路岳蓮西岳蓮花峯也晉書檀道濟伐後秦至潼關秦遣姚鸞屯大路絕道濟糧道通鑑注白澗池西入關有兩路南路由回谿阪自漢以前皆有之曹公惡南路之險更開北路遂以北路為大路句言雲斷故山容露出

天晴宮柳暗長春。唐書周朝邑縣有長春宮

巢邊野雀欺羣燕。花底山蜂趁遠人。二句寓景文護所築

更欲題詩滿青竹。晚來幽獨恐傷神。小人趨媚故不免自傷幽獨耳

望岳唐書華州華陰縣有華山

西岳峻嶒竦處尊。諸峰羅立似兒孫。安得仙人九

節杖。挂到玉女洗頭盆。劉根外傳漢武帝登少室見一女子以九節杖仰指日真語楊義夢蓬萊仙翁挂赤九節杖而視白龍

頭盆。車箱入谷無歸路。詩含神霧華山上有明星玉女手持玉漿得上服之即成仙道險僻不通集仙錄明星玉女居華山祠前有五石曰號曰玉女洗頭盆其中水色碧綠澄澈不溢不耗

車箱入谷無歸路。寰宇記車箱谷一名車水澗在華陰縣西南深不可測此句言其回遠

栢通。通。天。有。一。門。

韓非子秦昭王令工施鈎梯而上華山以栢心爲

或借用其字以形山之險峻宋注以箭栢爲列栢之說亦愚未然宋經注華山中路名天井纜容人行迂迴頓曲而上可高六丈餘山上有微涓細水流入井

洞。天。記。華。山。名。太。極。總。仙。之。天。師。少。昊。爲。白。帝。治。西。岳。梁。劉。孝。儀。詩。降。道。訪。真。源。

邵子淵云語語是望岳筆力蒼老渾勁此種氣候極難到○黃白山云玉女洗頭盆五字本俗先用九節杖引起而句法更覺森挺有擲米丹砂之巧

早秋苦熱堆案相仍

七月六日苦炎蒸對食暫餐還不能每愁夜中自足  
蠅況乃秋後轉多蠅束帶發狂欲大叫簿書何急來  
相仍南望青松架短壑江淹詩風散松架安得赤腳踏層

邵云作律詩讀尤老

冰

張上若云公以近侍出爲外掾簿書瑣悉非所能堪故因苦熱欲棄官南遊以避之也

觀安西兵過赴關中待命二首

通鑑乾元元年六月李嗣業爲懷州刺史充鎮

西北庭行營節度使八月同郭子儀等將步騎二十萬討安慶緒補注此自懷州赴關道經華州乃八月以前未赴討時事

四鎮富精銳

舊唐書竊茲賊沙陀勒焉者四鎮都督府皆安西都護所統

摧鋒皆絕倫還聞

獻士卒足以靜風塵老馬夜知道

韓非子齊桓公伐孤竹還述失道管仲曰老馬之智可用

也乃放馬而隨之

蒼鷹饑著人

晉載記慕容垂酒鷹也饑則附人飽則高飛珠注老馬饑鷹比其慣戰而深入今按著人譬樂

臨危經久戰

唐書嗣業討小勃律執一旗引陌刀緣險先登力戰大破之及收西京時官軍幾取嗣業執長刀陷陣賊遂潰

用急始如神

邵長蘅云急字兵法所謂巧遲不如拙速也一作意非

三

三

起勢突兀

奇○兵○不○在○眾○萬○馬○救○中○原○談○笑○無○河○北○

唐書河北道領孟懷魏博相衛貝濟

等二十九州時安慶緒據相衛

○心○肝○奉○至○尊○孤○雲○隨○殺○氣○飛○鳥○遊○轅○門○竟○

日○留○歡○樂○城○池○未○覺○喧○上一句言其軍威下一句言其節制

雷花門

唐地理志甘肅寧州軍東北有居延海又北三百里有花門山堡又東北千里至回紇衙帳舊唐書肅宗還西京葉護辭

歸奏曰回紇戰兵雷在沙苑今且歸靈夏取馬更爲陛下收范陽餘孽浦注此當是甯國出塞後回紇復遣騎入助時作故有領國至之語諸

本失編

首敘花門氣習

強梁可畏

此段敘古來馭

夷正見當時相

反可當名臣奏

北○方○天○驕○子○

漢書匈奴傳胡者天之驕子也

飽○肉○氣○勇○決○

漢匈奴傳匈奴居北邊君王以下咸

食畜肉衣其皮

高○秋○馬○肥○健○挾○矢○射○漢○月○自○古○以○爲○患○詩○人○厭○

薄○伐○言常勞侵伐脩○德○使○其○來○羈○縻○固○不○絕○胡○爲○傾○國○至○出○

入○暗○金○闕○中○原○有○驅○除○隱○忍○用○此○物○

張潛云此物二字言不得比於人類也公

主○歌○黃○鵠○

漢西域傳元封中以江東王建女爲公主妻烏孫公主悲愁作歌曰居常土思兮心內傷願爲黃鵠兮歸故鄉舊唐書乾元元

年七月上以幼女甯國公主妻回紇可汗送至咸陽磁門驛公主辭訣曰國家事重死且無恨上流涕而還

君○王○指○白○日○連○

雲○屯○左○輔○

謂沙苑

百○里○見○積○雪○

樓鑰曰回紇之俗衣冠皆白又朱注回紇旗幟用白故云

長○戟○烏○

休○飛○哀○笳○曙○幽○咽○田○家○最○恐○懼○麥○倒○桑○枝○折○沙○苑○臨○

清○渭○泉○香○草○豐○潔○渡○河○不○用○船○干○騎○常○撒○烈○

上林賦轉騰撒烈

胡○塵○踰○太○行○

述征記太行山首始河內自河內至幽州凡有八陁接連山中絕曰陁浦注胡塵謂安史時慶緒在鄴猶據七郡地

皆在太行之旁雜○種○抵○京○室○

雜種即指回紇舊注非花○門○既○須○留○原○野○轉○蕭○瑟○

張上若云經國之計憂深慮遠豈尋常韻言可及唐仲言曰肅宗以回紇兵收京久留不遣子美慮其爲害而作是詩公主君王一語說得可憐可羞

四句總收

此下寫其騷擾剽悍之狀

田家原野二語  
說得亦憂亦憤

九日藍田崔氏莊

唐書藍田縣屬京兆府  
在長安東南七十里

○一○句○直○下○中○具○幾○許○曲○折○  
老去悲秋強自寬，興來今日盡君歡。  
○用○事○入○化○  
羞將短髮還吹

帽，笑倩旁人爲正冠。  
玉隱晉書孟嘉爲桓溫參軍九日溫遊龍  
山寺風至吹嘉帽落溫命孫盛爲文嘲之

水遠從千澗落，  
三秦記藍田有川方三十里其水  
北流出玉石合溪谷之水爲藍水 玉山高並兩

峰寒。  
玉山即藍田山也宋注華山志岳東北有雲臺山兩峰崢嶸四面懸絕  
上冠景雲下通地脈藍田山去華山近故曰高並兩峰寒字見秋光

○結○處○仍○與○老○去○悲○秋○相○應○  
明年此會知誰健，醉把茱萸仔細看。  
西京雜記漢武宮  
人賈佩蘭九日佩

茱萸飲菊花  
酒令人長壽

異鄉佳節寫得十分慷慨纏綿○楊誠齋云此詩句句字字皆奇唐律如此  
者絕少首聯對起方說悲忽說歡頃刻變化領聯將一事翻騰作兩句嘉以

落帽爲風流此以不落爲風流最得翻案妙法人至頭聯筆力多  
衰復能雄杰挺拔喚起一篇精神結聯意味深長悠然無窮矣

崔氏東山草堂

邵注東山即藍田山又名玉山在長安藍田縣  
東南王維輞川莊在藍田必與崔莊東西相近

邵云格老而秀

○正○承○靜○字○  
愛汝玉山草堂靜，高秋爽氣相鮮新。  
○王○原○亭○云○領○聯○  
有時自發鐘磬

響，落日更見漁樵人。  
長安志白鴉谷在  
藍田縣東南中有 盤剝白鴉谷口栗

飯煮青泥坊底芹。  
按芹韻在十二文疑當作尊字長安志  
青泥城在藍田縣南又青泥驛在縣郭

何爲西莊王給事，柴門空閉鎖松筠。  
王維  
傳乾

下邵注飯煮芹謂  
菜雜米爲飯也

瘦馬行

舊注爲房相作蔡興宗云是華州詩  
詳其語意似是罷拾遺後作此自況

東郊瘦馬使我傷。骨骼音格碑兀如堵牆。絆之欲動轉

欷側。此豈有意仍騰驤。細看六印帶官字。唐六典諸牧監馬皆印印右體

以小官字右體以年辰尾側以監名若形容端正擬送上乘不用監名二歲始春則量其力以飛字印其左體體細馬次馬以龍形印其項左送上乘者

尾側印以三花眾道三軍遺路旁。皮乾剝落雜泥滓。毛暗蕭條

連雪霜。去歲奔波逐餘寇。驂驪不慣不得將。士卒多

騎內殿馬。惆悵恐是病乘黃。唐六典乘黃署令一人當時歷塊誤一

蹶。王褒通都越蹶蹶如懸車委棄非汝能。周防見人慘澹若哀訴。失

主錯莫無晶光。天寒遠放鴈為伴。日暮不收烏啄瘡。

誰家且養願。終惠更試明年春。草長補白馬賦願終惠養蔭本支分

張云雖是借題寫意而寫病馬寂寞狼狽光景亦盡

劉須溪云展轉沉着忠厚惻怛感動千古

遣興三首

仇云思兄弟也。我今日夜憂諸弟。各異方。不知死與生。何況道路長。

避寇一分散。饑寒永相望。豈無柴門歸。欲出畏虎狼。

仰看雲中鴈。禽鳥亦有行。比用倒煞

蓬生非無根。漂蕩隨天風。天寒落萬里。不復歸本叢。

客子念故宅。三年門巷空。悵望但烽火。戎車滿關東。

謂函關以東生涯能幾何。常在羈旅中。

昔在洛陽時。親友相追攀。送客東郊道。遨遊宿南山。

懷舊友也

念故居也

烟塵阻長河。樹羽成臯間。陸機洛陽記洛陽四關東有成臯關在汜水縣東南迴首載

酒地豈無一日還。丈夫貴壯健。慘戚非朱顏。朱注言豈無得還之

日特悲非壯健耳

公諸遺與詩亦自漢魏出但蹊徑易尋不及漢魏之縱橫變化耳

至日遣興奉寄北省舊閣老兩院故人二首通典

唐謂門下中書為北省

毛西河云追憶告語如訴且於敘事摠意中不廢壯浪跳擲之致與劉白相去何啻

去歲茲辰捧御牀。五更三點入鷓行。欲知趨走傷心

地。正想氤氳滿眼香。無路從容陪笑語。有時

顛倒著衣裳。句言心意迷亂正寫窮愁之況似不必拘定詩旨何人卻憶窮愁日

日日愁隨一線長。歲時記魏晉間宮中以紅線量日影冬至後日影添長一線

憶昨逍遙供奉班。去年今日侍龍顏。麒麟不動爐烟

上。孔雀徐開扇影還。六典天朝會則孔雀

扇一百五十有六祝注初升御座則合扇既升則羽扇兩開而影還左右矣玉几由來天北極

朱衣只在殿中間。唐會要李適之奏冬至大禮朝參并六品清官服朱衣以

孤臣此日腸。堪斷愁對寒雲雪。一作滿山

蔣弱六云兩作俱首尾呼應另為一格。前首帳懷次首追溯前首全用虛筆次首全用實筆結處一愁將來一愁當下亦相表裏

路逢襄陽楊少府。入城戲呈楊四員外。籍原注詩員外為

宋茂荅舊唐書楊綰傳綰字公權華州華陰人肅宗即位除起居舍人歷司勳員外郎此下六首皆冬自華歸東都途次作

田來只在四字含許多悵望意不勝君門萬里之感



云詩代尺牘  
自有致

不氣

我來何方下  
必尚有數

句看他翦裁淨  
鍊之妙

結處對處士感  
客子隱然無限

張云寫途中風  
沙之苦字字逼

寄語楊員外山寒少茯苓

唐書華州上輔土貢茯苓神唐本草茯苓第一出華山形極麗大

歸

來稍暄暖當為斲青冥

說文斲斫也圖經本草茯苓生大松下二月八月采陰乾

翻動神仙

窟封題鳥獸形

陶隱居本草茯苓形如鳥獸龜鼈者良

兼將老藤杖扶汝醉初

醒

仇注藤杖亦華山所產楊必嗜酒故結用以戲之

贈衛八處士

人生不相見動如參與商

左傳遷闕伯於商邱主辰故辰為商星遷實沈於大夏主參故參為晉星曹植

詩曠若參與商

今夕是何夕共此燈燭光少壯能幾時鬢髮各

已蒼訪舊半為鬼驚呼熱中腸焉知二十載重上君

子堂昔別君未婚男女忽成行怡然敬父執問我來

何方問答未及已兒女羅酒漿夜雨翦春韭新炊聞

一作黃梁

舊注招魂稻梁稱麥稈黃梁此注挈糶也此詩問字即挈字之義按本草黃梁香美逾於諸梁號為竹根黃以和則柔嫵且香滑也

主稱會面難一舉累十觴十觴亦不醉感子故意長

明日隔山岳世事兩茫茫

張上若云全詩無句不關人情之至情景逼真兼極頓挫之妙

冬末以事之東都湖城東遇孟雲卿復歸劉顥

宅宿宴飲散因為醉歌

唐書湖城縣屬虢州漢湖縣後改湖城

疾風吹塵暗河縣

水經注河水又北逕湖縣東故曰河縣

行子隔手不相見

隔手

謂以手遮目

湖城城東一開眼駐馬偶識雲卿面向非劉顥

為地主。懶迴鞭轡成高宴。劉侯歡我攜客來。置酒張

燈促華饌。且將款曲終。今夕休語艱難尚。酣戰時九節度之師

開地裂長安陌。勢重一振開。照室紅爐促曙光。紫牕素月垂文練。謝莊詩。天

陽殿。寒盡春生。喻亂極將治。二句言長安昔為賊陷。今則洛陽并收復也。豈知驅車復同軌。可惜

刻漏隨更箭。人生會合不可常。庭樹雞鳴淚如綫。一作

衡古別離。雞鳴庭樹。枝客子振衣起。別淚落如霰。相顧不能止。

盧德水云。公既飲畢而去。又拉孟而回。寫出賓主忘形從殘局中翻出新興。此段光景至今令人迴環詩欲不佳得乎。

閩音鄉姜七少府設鱠戲贈長歌

元和邵國志。閩本漢湖縣。地臨閩

皇中移湖城縣於今所改名閩鄉屬陝州唐屬虢州

張云設鱠前用如許折筆

姜侯設鱠當嚴冬。昨日今日皆天風。河凍未漁一作不

易得。潘洄詩。語韓玉汝云。河中府三面黃河。惟有魚似鱣而肥。短味亦美。鑿冰恐侵河伯宮。饗人

受魚鮫人手。西征賦。饗人細切鸞刀。若飛鮫人謂捕魚者。洗魚磨刀魚眼紅。言雅無

聲細下飛碎雪。言猶生也。有骨已剝芻。音音也。春葱朱注。廣韻。剝研到也。芻。緊也。到其骨

偏勸腹腴愧年少。說文。腴。腹下肥也。愧。年少即艱難。愧深情意。軟炊香飯

緣老翁落碁。碁。同碁。張潛注。碁。割魚之案。石白紙溼。凡作

放筋未覺金盤空。放筋。謂縱意食之上。句言制治之精。此句言供具之侈。新歡

便飽姜侯德。清觴異味情。屢極東歸貪路自覺難。欲

俗事雅句寫得出色

蔣云全在顏色  
上看禮輕人意  
重也此一篇微  
意所在

杜詩鏡金 卷五 九  
別上馬身無力。杜臆貪路本宜急往今反覺難行而上馬無力者以不忍相別故也可憐為人好。  
心事於我見子真顏色。不恨我衰子貴時。悵望且爲  
今相憶。末二句言後日窮通皆可不論只今情誼長足相憶耳

戲贈閬鄉秦少府短歌

去年行宮當太白。在鳳翔朝回君是同舍客。同心不減骨  
肉親。每語見許文章伯。今日時清兩京道。謂東西京俱收相逢  
苦覺人情好。昨夜邀歡樂更無。多才依舊能潦倒。

書知吾潦倒不切事情此承上邀歡句當指酣嬉淋漓意舊說俱支離

李鄂縣丈人胡馬行

丈人駿馬名胡驪。前年避胡過金牛。楊雄蜀土記秦欲伐蜀無路遣人告蜀王曰秦

有金牛其糞成金蜀主使五丁力士開山路通秦遂取蜀因號其國曰金牛舊唐書梁州金牛縣漢葭萌地此指其扈從明皇迴鞭卻走

見天子。朝飲漢水暮靈州。漢水在漢中近蜀靈州卽靈武乃肅宗卽位處此言其走謁肅宗自

矜胡驪奇絕代。乘出千人萬人愛。一聞說盡急難才。

趙注急難才如劉備的顧躍過檀溪以免劉表之追劉牢之馬跳五丈澗以免慕容之逼此處指避胡言轉益愁向駕駘輩。

自傷所乘皆駘駘也頭上銳耳批秋竹。注見一卷腳下高蹠削寒玉。言其堅有如削

始知神龍別有種。不比凡馬空。多肉洛陽大道

時再清。累日喜得俱東行。鳳臆麟一作龍鬣未易識。晉載記苻堅時

大宛獻天里駒朱鬣五色鳳膺麟身側身注目長風生。

張云側身注目  
寫出英雄未遇  
磊落自負光景

蔣弱六云前半是聞用虛說後半是見用實說說前段轉似說盡後段轉似不盡章法又別

憶弟二首

原注時歸在河南陸渾莊唐書陸渾縣屬河南府

喪亂聞吾弟。饑寒傍濟州。前有得舍弟消息詩云近有平陰信即此人稀書不到。

兵在見何由。浦注時河南雖復而討鄴之兵尚往來不絕憶昨狂催走。言避亂之時無時

病去憂。言憂弟之病無時解去也即今千種恨。惟共水東流。濟州在河南之東

且喜河南定。不問鄴城圍。百戰今誰在。三年望汝歸。

故園花自發。春日鳥還飛。斷絕人烟久。東西消息稀。

仇滄柱云次首申上首意上四望弟歸鄉承前兵在見何由下四望弟首書承前人稀書不到

得舍弟消息

亂後誰歸得。他鄉勝故鄉。直為心厄苦。久念與存亡。

言與之俱為存亡也汝書猶在壁。汝妾已辭房。舊犬知愁恨。垂頭

傍我牀。蔣云後半即是念與存亡感觸處妾是亡之一書犬我皆是存之一也

觀兵

乾元元年十一月郭子儀等九節度討安慶緒圍鄴城此方赴討時作

北庭送壯士。貔虎數尤多。顧注北庭謂李嗣業時統四鎮之兵故曰尤多精銳舊無

敵。邊隅今若何。朱注以邊隅為鄴城浦注謂指延州雁門等今按只渾說為是妖氛擁白馬。

形勢元帥待瑠戈。漢書古鼎銘賜爾旂鸞黼黻瑠戈仇

侯景傳童謠曰青絲白馬壽陽來時史思明自范陽引兵來救慶緒陷魏州莫守鄴城下。斬鯨遼海

波。遼東南臨渤海故曰遼海言當直搗范陽傾思明之巢穴則彼將自顧不暇援兵絕而鄴城亦可拔不當困守鄴城老帥之饋以待思明之救也公

詩司徒急為破  
幽燕即此意

此如諸將五首之類皆以議論為詩具見才識。是時頓兵鄴城  
軍無統制公早知其有覆敗之患故借所見嗣業之兵以發之

不歸

河間尚征戍。汝骨在空城。唐書河間郡屬河北道從弟人皆

有終身恨不平。數金憐俊邁。蔡夢弼曰數金謂幼時識數錢也  
漢時童謠有河間姪女工數錢語

想見空城無人  
守葬其中不勝  
以測

公偶憶弟幼時聰慧與  
河間事相合故及之  
總角愛聰明。面上三年土。春風草又

生。

獨立此因獨立偶有所見而作又凡題  
有不便明言者則摘詩內字為題

空外一鷺鳥。河間雙白鷗。飄飄搏擊便。容易往來遊。

仇注鷺鳥方恣行搏擊白  
鷗可容易往來乎危之也

草露亦多溼。蛛絲仍未收。濡衣張綱  
見中傷無

已時意二句較  
上更深一層

天機近人事。獨立萬端憂。

疾議也若詩之有比體。劉須溪云此必有幽人受禍而羅織仍未已者如  
太白鄭虔諸人今按當指房瑄嚴賈輩後有寄賈嚴兩閣老詩云浦鷗防碎  
首霜鷗不空拳  
語意正相似也

洗兵馬

原注收京後作左思魏都賦洗兵海島刷馬江湖浦注時  
慶緒圍困官軍勢張公在東都作此詩以鼓其氣多欣喜

願望之語當在  
相州未潰時

中興諸將收山東。山東河北也捷書夜報清書同。見報  
之前河廣

傳聞一葦過。胡危命在破竹中。杜預傳今兵威已振勢如破竹  
數節之後迎刃而解通鑑乾元

元年十月郭子儀自杏園渡河至獲嘉破安太清太清走保衛州子儀進圍之  
遣使告捷魯吳季廣琛崔光遠與李嗣業兵皆會於衛慶緒來救復大破之遂

唐仲言云洗兵  
馬一篇有典有  
則雄渾闊大足  
稱唐雅

正意反從喻意  
滯出亦屬變格

鄴城竟以無元帥致潰

拔衛州慶緒走于儀等追至鄴許叔冀董秦等皆引兵繼至慶祇殘鄴城  
緒收餘兵拒戰於愁思岡又敗慶緒乃入城固守于儀等圍之  
不日得舊唐書相州屬河北道大獨任朔方無限功舊唐書祿

子儀為靈武太守充朔方節度使自陳濤斜之敗帝惟倚朔方軍為根本未注  
是時命九節度討安慶緒又以魚朝恩為觀軍容使雖圍相州而兵柄不一此  
日獨任朔方無限功蓋舉前京師皆騎汗血馬回紇餒肉蒲

肉蒲漢張耳傳如以肉餒虎何益即雷花門所謂飽肉氣勇決也匈奴傳元  
帝元壽二年單于來朝舍之上林苑蒲萄宮通鑑是年八月回紇遣驍

騎三千助討安慶緒上命僕固懷恩領之已喜皇威清海岱禹貢海岱維青州常思

仙仗過崆峒括地志筭頭山一名崆峒山在原州平涼縣西百里宋注肅  
宗自馬鬼經彭原平涼至靈武合兵興復道必由崆峒及南

回亦自原州入此欲其三年笛裏關山月樂府解題關山月傷離別也萬國兵

前草木風晉載記苻堅與苻融登城而望見八公山草木皆類人形風聲  
鶴唳疑以為兵此言興師以來笛咽關山兵驚草木征戍之勤

玉西樵云氣勢如春潮三折排山倒海

鋒鏑之慘為不可忘也 成王功大心轉小唐書廣平王傲進爵楚王徙封成王乾元  
元年四月立為皇太子浦注收復兩京黃

平為帥今圍鄴未與而詩首及之者誌元勳尊王器也 郭相謀深古來少子儀時進司徒清

鑿懸明鏡李光弼先加檢校司徒尚書氣與秋天杳王思禮時遷兵部尚書

漸瀝與此 一二三豪俊為時出整頓乾坤濟時了東走無

復憶鱸魚翻用張翰語南飛覺有安巢鳥翻用魏武語青春復隨冠

冤入紫禁正耐烟花繞鶴駕通宵鳳輦備藝文類聚太子

故後世稱太子之駕曰鶴駕唐書儀衛志輦有七一日大鳳輦 雞鳴問寢龍樓曉漢書上嘗急召太子

道張晏曰門樓上有銅龍若白鶴飛廉之為名也雜錄桂宮南面有龍樓門言

鶴駕通宵備鳳輦以迎上皇雞鳴報曉趨龍樓以伸問寢也青春重整朝儀人

主復脩子道皆將見之寇蓋之餘語亦以頌寓規蓋移仗事雖在後而是時張

李用事當已有先見其端者與收京詩文思憶帝堯同旨正見公忠愛切摯處

邵云鶴駕二句自見書法

蔡聞之云是時  
將帥恃功驕縱  
必獲尾大不掉  
之禍先生豫知  
之故正詞以警

鑄之才勝於瑄  
乃公所尤注意  
以贊中興者故  
申說獨詳

木言金

深文固非即

攀龍附鳳勢莫當天下盡化為侯王

漢書敘傳攀龍

附鳳並乘天衢雲

汝等豈知蒙帝力時來不得誇身強

宋注時加

起龍驤化為侯王

關中既畱蕭丞相

史記蕭何傳漢王引兵東定三秦何以丞相畱

收巴蜀使給軍食蕭丞相謂房瑄自蜀奉册畱相肅宗一說蔡夢弼謂指杜鴻漸唐肅宗按軍平涼鴻漸首建朔方興復之謀且錄軍資器械儲倉上之肅

宗喜曰靈武吾關中卿乃吾蕭何也按鴻漸為人無動德且非公所喜自當指瑄為是

幕下復用張子房

謂張鎬也至德

二載瑄罷相以張鎬代

張公一生江海客身長九尺鬚眉蒼微起適

遇風雲會扶顛始知籌策良

舊唐書張鎬風儀魁岸廓落有大志自褐衣拜左拾遺元宗幸蜀徒

步愷從元宗遣赴行在至鳳翔奏議多有宏益拜諫議大夫尋代房瑄為相封民間見記張鎬起自布素不二年而登宰相正身特立不肯苟媚關人羣隔疾之稱其無經濟才改荆府長史宋注按史是年五月鎬已罷相此盛稱其籌策者惜其去而功不就也觀史思明許叔冀之叛鎬先料之則比以子房豈為遜

哉 青袍白馬更何有

隋史侯景傳先是大同中童謠曰青絲白馬壽陽來景濶陽之敗求錦朝廷給以青布悉用為

袍景乘白馬青絲為書欲以應詔

後漢今周喜再昌

以漢光周宣比肅宗言能專用鎬則餘寇不足平而太平可坐

致 寸地尺天皆入貢奇祥異瑞爭來送不知何國致

白環 竹書紀年帝舜九年西王母來朝獻白環玉玦

復道諸山得銀甕

瑞應圖王者宴不及醉刑罰中則銀甕出

馬 隱士休歌紫芝曲

詞人解 一作撰 清河頌

南史

宋元嘉中河濟俱清當時以為瑞應照作河清頌趙曰收京後嵐州合關河清蓋紀實事也

出家望望惜雨乾布

穀處處催春種

爾雅鳩鳩注今之布穀也

淇上健兒歸

莫懶 淇水在衛地衛與相州相鄰指圍城之兵也歸莫懶蓋速其成功

城南思婦愁多夢

城南謂長安城

安得壯士挽天河淨洗甲兵長不用

說苑武王伐紂風霽而乘以大雨王

沈云結出題口  
通篇得力

七時竟全

卷五

十四

日天洗兵也

此及古柏行多用偶句對仗工整近初唐四家體少陵偶一為之其氣骨沈雄則仍係公本色。朱鶴齡曰中興大業全在將相得人前曰獨任朔方無限功中曰幕下復用張子房此是一詩眼目使當時能專任子儀終用錡則洗兵不用旦夕可期而惜乎肅宗非其人也王荆公選工部詩以此詩壓卷其大旨不過如此若元肅父子之間公爾時不應遽加譏切。陶開虞曰三年笛裏關山月萬國兵前草木風雄亮悲壯恍如江樓聞笛鬻塞鳴笳青春復隨冠冕入紫禁正耐烟花繞寫得收京後春日喧妍百官怵豫一種氣象在目

重題鄭氏東亭

原注在新安界此詩明是亂後無人之景一片荒涼且注有在新安界四字當亦自東都返華

時作諸本失編今改正曰重題者或先有詩而今逸之

華亭入翠微

翠微注見四卷一說山氣之輕縹也

秋日亂清輝

當作晴暉與下不復

崩石

歛山樹清漣曳水衣

張協詩堂上水衣生注水衣言也仇注亭枕山故有崩石亭水故有清漣

紫鱗

衝岸躍蒼隼護巢歸向晚尋征路殘雲傍馬飛

顧修遠云此詩得力處全在詩腰數實字着一歇字如見巉巖錯落着一曳字宛然落苻交橫曰衝岸則跳突排湧惟恐墮岸曰護巢則疾飛急赴惟恐失巢并魚鳥精神俱為寫出此詩家鍊字法也

新安吏

原注收京後作雖收兩京賊猶充斥唐書新安縣屬河南府師氏曰從新安吏至無家別蓋紀當時對師之敗朝廷調兵

益急也皆乾元二年自東都回華州道途所經次感事而作

客行新安道喧呼聞點兵借問新安吏縣小更無丁

更無丁言豈無餘丁可遣乎

府帖昨夜下次選中男行

客又語

中男絕短小何以守王城

顧炎武曰唐制人有丁中黃小之分天寶二載

令民十八以上為中男二十三以上成丁

無父在言外尤慘

男有母送瘦男獨伶俜

則男肥絕短小者類皆無母者也

白水

仇注唐之東都即周之王城

浦云起提明點兵未詳言軍潰是首章體



暮東流喻行青山猶哭聲喻居莫自使眼枯收汝淚縱橫

眼枯即一作見骨天地終無情杜臆不言朝廷而我軍取相

州即鄴城日夕望其平豈意賊難料歸軍星散營謂軍勢各歸

九節度圍鄴自冬涉春慶緒食盡克在朝夕而諸軍既無統帥遂久不下上下

解體思明自魏州引兵趨鄴日於城下抄掠諸軍乏食思遺三月載於安陽河

北大風晝晦官軍潰而南賊潰而北子儀以朔方軍斷河陽橋保東京築南北兩城而守之

就糧近故壘見非練卒此皆言子儀況

依舊京即東都也掘壕不到水牧馬役亦輕此皆言子儀況

乃王師順撫養甚分明仇注王師順則能制送行勿泣血僕

射如父兄郭子儀傳至德二載五月子儀敗於濡水詣闕請貶從司寇降

先以惻隱動其君上後以恩說勉其丁男仁至義盡此山谷所云論詩

未覺國風遠也○浦一田云篇中守王城依舊京皆點清戍守眉目處

潼關吏羅錄潼關在華州華陰縣東北此

士卒何草草詩疏草草築城潼關道大城鐵不如小城

萬丈餘宋注城在山上故曰萬丈餘上借問潼關吏脩關還備

胡張潛云此在潼關失要我下馬行為我指山隅連雲列戰

格飛鳥不能踰戰格即戰柵所以捍敵者胡來但自守豈復

憂西都丈人視要處窄狹容單車艱難奮長戟千古

用一夫劔閣銘一人荷哀哉桃林戰左傳守桃林之塞注今潼關是

百萬化為魚請囑防關將慎勿學哥舒末乃答

關皆是

詞得體即詩  
母孔瀟意

本相州之潰舉其初貶之官亦春  
秋書法也洗兵馬則目之曰郭相

先以惻隱動其君上後以恩說勉其丁男仁至義盡此山谷所云論詩  
未覺國風遠也○浦一田云篇中守王城依舊京皆點清戍守眉目處

潼關吏羅錄潼關在華州華陰縣東北此

士卒何草草詩疏草草築城潼關道大城鐵不如小城

萬丈餘宋注城在山上故曰萬丈餘上借問潼關吏脩關還備

胡張潛云此在潼關失要我下馬行為我指山隅連雲列戰

格飛鳥不能踰戰格即戰柵所以捍敵者胡來但自守豈復

憂西都丈人視要處窄狹容單車艱難奮長戟千古

用一夫劔閣銘一人荷哀哉桃林戰左傳守桃林之塞注今潼關是

百萬化為魚請囑防關將慎勿學哥舒末乃答

關皆是

見守關在乎得人也哥舒翰傳翰率兵出關次靈寶縣之西原為賊所乘自相踐蹂墜黃河死者數萬人

石壕吏

王應麟曰石壕吏蓋陝州陝縣之石壕鎮也  
統志在今陝州城東七十里

李云響悲意苦  
張近漢魏

暮投石壕村。有吏夜捉人。老翁踰牆走。老婦出門看。  
吏呼一何怒。婦啼一何苦。聽婦前致詞。三男鄴城戍。  
一男附書至。二男新戰死。存者且偷生。死者長已矣。  
室中更無人。惟有乳下孫。孫有母未去。出入無完裙。  
一云孫母未便出見吏無完裙。老嫗力雖衰。請從吏夜歸。急應河陽役。  
猶得備晨炊。夜久語聲絕。如聞泣幽咽。天明登前途。獨與老翁別。

浦二田云丁男俱盡役及老婦較他首更慘。三吏兼問答敘事三別則純託為送者行者之詞並是古樂府化境

新婚別

李安溪云小窗  
嚶嚶可泣鬼神  
此小戎板屋之  
遺詞

兔絲附蓬麻。引蔓故不長。  
兔絲當施於松柏。今附蓬麻。故引蔓不長也。  
嫁女與征夫。不如棄路旁。結髮為君妻。席不煖君牀。暮婚晨告別。無乃太匆忙。君行雖不遠。守邊赴河陽。妾身未分明。何以拜姑嫜。  
父母養我時。日夜令我藏。生女有所歸。雞狗亦得將。君今往死地。沈痛迫中腸。誓欲隨君去。形勢反蒼黃。

章謂舅姑也章與婢通夢彌曰婦人嫁三日告廟上墳謂之成婚婚禮既明然後稱姑嫜今嫁未成婚而別故云

地沈痛迫中腸

誓欲隨君去

與倉皇同死山  
移文蒼黃反覆

杜詩鏡全

卷五

七

既勉其夫且復  
自勵乃所謂發  
乎情止乎禮義  
者也

勿為新婚念努力事戎行婦人在軍中兵氣恐不揚

羅襦不復施對君洗紅妝即誰適仰視白鳥飛大小必

雙翔人事多錯迕與君永相望終望夫婦相聚

垂老別直起

四郊未甯靜垂老不得安子孫陣亡盡焉用身獨完

投杖出門去同行為辛酸幸有牙齒存所悲骨髓乾

男兒既介冑長揖別上官仇注此敘出門時慷慨前往之狀乃答

老妻臥路嗥歲暮衣裳單孰知是死別且復傷其

邵云互相憐痛  
聲情宛然

寒此去必不歸還聞勸加餐此敘臨別時夫婦離士門壁甚

堅浦注士門未詳所在大約即在河陽左杏園度亦難九域志衛州汲縣

離合豈擇衰盛端憶昔少壯日遲迴竟長歎萬國盡

征戍烽火被岡巒積屍草木腥流血川原丹何鄉為

樂土安敢尚盤桓棄絕蓬室居塌然傷肺肝宋注士門

其妻人生以下又自為寬解而終之以決絕

難去至士門以下一一想到尤肖老人聲吻

無家別

無家別

無家別

無家別

無家別

無家別

無家別

無家別

無家別

無家別

寂寞天寶後園廬但蒿藜我里百餘家世亂各東西

存者無消息死者為塵泥賤子因陣敗當即指郿城之潰歸來

尋舊蹊久行見空巷日瘦氣慘悽日瘦謂日色無光但對狐與

狸豎毛怒我唬四隣何所有一二老寡妻宿烏戀本

枝安辭且窮棲方春獨荷鋤日暮還灌畦縣吏一作知

我至召令習鼓鞞與鞞同雖從本州役內顧無所攜雖從後本州內

顧而無與離別則已傷矣近行止一身遠去終轉迷乃今復迫之遠去將來未知埋骨何所家

鄉既盪盡遠近理亦齊然總是無家亦不論遠近矣此處語意其有三層轉折強作曠達而愈益悲痛舊注非

永痛長病母五年委溝谿生我不得力終身兩酸嘶

須溪云寫至

無復餘恨可

鬼神矣

結點題章

何以爲

蒸黎五字直可作六篇總結

人生無家別何以爲蒸黎

自六朝以來樂府題率多摹擬剽竊陳陳相因最爲可厭子美出而獨就當時所感觸上憫國難下痛民窮隨意立題盡脫去前人窠臼若華草黃之哀

獨絕矣。王嗣夷曰日擊成詩遂下千年之淚一一刻畫宛至同工異曲

物賦形真造化手也。盧元昌曰先王以六族安萬民使民有室家之樂今新安無丁石壕遺嫗新婚怨曠垂老訣絕至戰敗逃歸者亦不免焉唐之百

姓幾於靡有子遺矣其不亡也幸哉

夏日歎

下三首復歸華州詩舊唐書乾元二年四月以久旱徙市嘗祭祈雨按是時關輔饑

夏日出東北陵天經中街杜臆夏至日出寅入戌寅東北方也中街謂亭午又蒲注天官書有街南街北

朱光徹厚地杜臆陽杲鬱蒸杲其朱光

何由開上天久無雷無乃號令乖漢書郎顛傳曰當雷不雷陽德弱也雷者號令其德

李云夏日匪風下泉之慨夏夜悲天憫人之懷

追想太平無限  
心事隱然言外

生養臨注時李肅國專掌禁兵制初告其朋為詩曰號令乖當指此

雨降不濡物。良田起黃埃。飛

鳥苦熱死。漚魚涸其泥。萬人尚流冗。

散也。漢成帝詔水旱為災。翻東流冗者眾。

舉

目惟蒿萊。至今大河北。

安史所據

化作虎與豺。浩蕩想幽薊。

王師安在哉。

唐書幽州范陽郡薊州漁陽郡皆屬河北道時方在薊城潰後

對食不能餐。我心

殊未諧。眇然貞觀初。難與數子偕。

謂房杜王魏之流。蓋注時宰相李揆執子弟禮於輔

國又呂誼第五琦等皆條錄庸臣此所以思貞觀諸賢也

王嗣爽曰二歎俱以早熱起興而所以嘆在河北之賊未平蓋潤旱憂時之作。此詩係齊佳灰同用

### 夏夜歎

永日不可暮。炎蒸毒中。我。腸安得萬里風。飄飄吹我

裳。昊天出華月。

江淹詩華月照方池

茂林延疏光。仲夏苦夜短。開

軒納微涼。虛明見纖毫。羽蟲亦飛揚。物情無巨細。自

適固其常。念彼荷戈士。窮年守邊疆。何由一洗濯。執

熱互相望。

鍾惺曰考亭解詩執熱作執持之執今人以水濯手豈便能執持熱物乎蓋熱曰執熱猶云熱不可解此古文用字與處濯即洗濯

之濯浴可解熱也杜詩屢用執熱字皆作實用是一證據

竟夕擊刁斗。

漢書注以銅作鑼受一斗畫炊飯食夜擊持行名曰刁斗

喧聲連萬方。青紫雖被體。不如早還鄉。

宋注通鑑至德二載郭子儀敗於清

渠復以官爵收散卒由是應募入軍者一切衣金紫

北城悲笳發。鶴鶴號且翔。況復煩促

倦。張華詩煩促每有餘。激烈思時康。

### 立秋後題

唐書本傳甫為華州司功屬關輔饑棄官客秦州此詩蓋欲棄官時作

邵云音節簡古

日月不相饒。節序昨夜隔。元蟬無停號。秋燕已如客。平生獨往願。惆悵年半百。時公年四十八罷官亦由人。何事拘形役。

貽阮隱居

助以下秦州詩

陳畱風俗衰

世說王平子嘗經陳畱郡界曰舊名此邦有風俗

人物世不數

晉書阮籍陳畱尉比

李云云中多悟道之語

先父祖貧知靜者性白

一作自

益毛髮古車馬入鄰家蓬

蒿翳環堵清詩近道要識子用心苦尋我草徑微蹇

裳踏寒雨更議居遠村避喧甘猛虎所謂避俗如仇足明箕穎

客榮貴如糞土

遣興三首

此經戰場而譏遠將之要功者

下馬古戰場四顧但茫然風悲浮雲去黃葉墮一作墜我

前朽骨穴螻蟻又為蔓草纏阮注風悲二句仰而見者朽骨二句俯而見者故老行

歎息今人尚開邊指吐蕃界漢虜互勝負封疆不常全安得

廉頗一作恥東坡詩常用之將三軍同晏眠宋注廉頗老將以安邊為務者故感戰場而思之

高秋登塞山南望馬邑州唐書羈縻州內有馬邑州在秦成二州山谷間降虜東擊

胡謂秦隴間屬夷調發討賊者壯健盡不畱穹廬莽牢落漢書注穹廬旃帳也其形穹隆然

上有行雲愁老弱哭道路願聞甲兵休鄴中事反覆

此望馬邑而諷諸將之僭軍者

死人積如邱。諸將已茅土。載驅誰與謀。

黃希曰：諸將不指李郭如封朔方大

申鳥盟云：末二句言恩寵太過，恐將驕不可用也。

將軍孫守亮等九人爲異姓王李。商臣等十三人爲同姓王是也。豐年孰云遲。甘澤不在早。耕田秋雨足。禾黍已映道。

此觀秋成而感賢士之晚遇者。遣興意在結末。

春苗九月交。顏色同日老。勸汝衡門士。勿悲尚枯槁。時來展才力。先後無醜好。但訝鹿皮翁。忘機對芳草。

謂甘心隱避也。列仙傳：鹿皮翁，淄川人也。少爲府小吏，岑山上有神泉，作祠屋，置其旁，食芝飲泉，七十餘年。淄水來山下，呼宗族家室上山。

半水漂一郡，遣宗家令下山著鹿皮衣去，復上關後百餘年，下賣藥齊市。

佳人 此因所見有感，亦帶自寓意。

絕代有佳人，幽居在空谷。自云良家子，零落依草木。

關中昔喪敗，兄弟遭殺戮。官高何足論，不得收骨

肉。世情惡衰歇，萬事隨轉燭。夫婿輕薄

兒，新人美如玉。合昏尚知時，笑那聞舊人

哭。在山泉水清，出山泉水濁。侍

婢賣珠迴，牽蘿補茅屋。摘花不插鬢，采柏動盈掬。

天寒翠袖薄，日暮倚修竹。

沈確士云：結處只用寫景，不更着議論，而清潔貞正意自隱然，言外詩格最超。

夢李白二首

曾鞏李白集序：白臥廬山，永王璘迫致之，璘敗，白坐繫溈陽獄，得釋，乾元元年終以汚璘事，長流夜

以上述佳人之遭遇，以下寫佳人之志節。

郎至巫山以赦得還

死別已吞聲生別常惻惻江南瘴癘地

趙注潯陽今之江州也屬江南西路

今按當渾說為是

逐客無消息故人入我夢明我長相憶

彷彿欣慰

非平生魂路遠不可測

旋又魂來楓林青

魂返關塞

黑在公所

君今在羅網何以有羽翼

二句又疑其非落月滿屋梁猶

疑照顏色

二句又信其是水深波浪闊無使蛟龍得

末二憂其遠謫而遭患也自潯

陽至夜郎當泛洞庭上峽江故屢以風波為慮

浮雲終日行遊子久不至三夜頻夢君情親見君意

補前所未及

告歸常局促苦道來不易江湖多風波舟楫恐失墜

出門搔白首若負平生志

仇注六句代述夢中心事曲盡倉皇悲憤情狀以下公為白感歎是醒後語

冠蓋滿京華斯人獨憔悴孰云網恢恢將老身反累

劉須溪云結極慘黯情至語塞

言朝廷且加寬典

千秋萬歲名寂寞身後事

言所相許獨此耳

陸時雍曰是魂是人是真是夢都覺恍惚無定親情苦意無不備極真得屈騷之神仇云次首因頻夢而作故詩語更進一層前云明我憶是自知公

此二見君意是公知白前云波浪蛟龍是公為白憂此云江湖舟楫是白又自為慮前章說夢處多涉疑詞此章說夢處宛如目擊千古交情惟此為至

然非公至性不能有此至情非公至文不能傳此至性

### 有懷台州鄭十八司戶

天台隔三江

仇注三江謂長江浙江曹娥江也

風浪無晨暮鄭公縱得歸

老病不識路昔如水上鷗今如冢中兔性命由他人

蔣云空中落筆起勢極警



悲辛但狂顧山鬼獨一腳博物志一足曰夔蝮蛇長如樹

山海經蝮蛇色如綬紋一名反鼻呼號傍孤城歲月誰與度從

來禦魑魅魑魅皆以禦魑魅多為才名誤夫子嵇阮流更被時

俗惡海隅微小吏眼暗髮垂素黃帽映一作鵝青袍禮

儀志年七十以非供折腰具言暮歲不應平生一杯酒見我故

人遇言只杯酒見我相望無所成乾坤莽迴互海賦乖蠻隔夷

乾坤莽莽我兩人在其間既俱流落無成且不得相見其傷痛為何如耶

王嗣謨曰此詩想像鄭公孤危之狀如親見亦如身歷總從肺腑交情流露出來幾於一字一淚與夢李白篇同一真切

遣興五首

蟄龍三冬臥老鶴萬里心古時賢俊人未遇猶視今

嵇康不得死謂不得其死晉書鍾會言於文帝曰嵇康臥龍也不可起

孔明有知音蜀志諸葛亮躬耕隴畝徐庶言於先主曰孔明臥龍也將軍

又如隴坻都禮切松秦人謂隴曰坻用舍在所尋大哉霜雪

幹歲久為枯林朱注言松在隴坻必匠石尋求乃得之不用則棟梁

昔者龐德公未曾入州府襄陽耆舊間處士節獨苦

豈無濟時策終竟畏網罟二句亦兼自寓林茂鳥有歸水深魚

知聚舉家隱鹿門劉表焉得取後漢書龐德公居峴山南未嘗

入城府荊州刺史劉表就候之

張揚菴云五詩懷賢思友自嘲

寄託遙深○此章言士不遇知

已則不得展舒其抱負為下四

首發端

此章言不能如孔明之救時則

當如龐公之高隱也

張云取字見遜世之識方

謂曰夫保全一身孰若保全天下乎龐公笑曰鴻鵠巢於高林暮而得所棲黿鼉穴於深淵夕而得所聚夫趣舍行止亦人之巢穴也且各得其棲而已因釋耕隴上表歎息而去後遂攜妻子登鹿門山採藥不返

陶潛避俗翁未必能達道觀其著詩集頗亦恨枯槁

陶飲酒詩雖雷身後名一生亦枯槁達生豈是足默識蓋不早蔣云恨枯槁未達生也然達生亦未

是足默識即達道也苟能達道更何事不看破二句中上即起下較前義更進一層有子賢與愚何其挂懷

抱陶責子詩雖有五男兒總不好紙筆又有命子詩及與五子疏

前不得說夢也黃山谷云子美嘗困於三川為不知者詬病以為拙於生理又往往譏議宗文宗武失學故奇之淵明以解嘲耳俗人不領便以為譏病淵明所謂癡人

前不得說夢也

賀公雅吳語在位常清狂上疏乞骸骨黃冠歸故鄉

舊唐書賀知章為禮部侍郎取舍非允門廕子弟喧訴盈廷於是梯登牆首出決事時人咸嗤之晚尤縱誕自號四明狂客天寶三載因病恍惚乃上疏請

度為道士求還鄉里仍捨本鄉宅為觀上詩之爽氣不可致世說王徽之以手板拄頰云西山朝來致有爽氣斯人

今則亡山陰一茅宇江海日清涼

吾憐孟浩然短褐即長夜賦詩何必多往往凌鮑謝張云觀第三句著作不以

舊唐書孟浩然隱鹿門山以詩自適年四十遊京師應進士不第還襄陽卒清江空舊魚一作舊美魚漢水

然詩試垂竹竿釣果見槎頭鱸春雨餘甘蔗張載詩江南郡蔗醴液豐沛每望

東南雲令人幾悲吒歎也郭璞詩撫心獨悲吒

諸詩皆從漢魏出自成杜體嗣宗詠懷太冲詠史延年五君詠公蓋兼而用之蔣弱六云子美本襄陽人諸葛龐蓋皆以襄陽故思之也而山陰尤所

注念見於詩者極多故又獨稱賀作詩首推陶謝而人文並美尤莫如陶至引嵇康特與孔明同號而鮑謝亦附見孟詩公之雅志大略可見矣

浩然之窮公亦似之憐孟正以自憐也

賀公亦是能達

遣興二首

天用莫如龍。

漢食貨志天用莫如龍地用莫如馬人用莫如龜

有時繫扶桑。

劉向九嘆維六龍於扶桑

千洲記扶桑在碧海中樹長數千丈一頓轡海徒湧

頓轡海徒湧

曹植與吳質書思抑六龍之首頓義

神人身更長。

神異經西北海外有人焉長二千里兩脚中間相去千里腹圍一千五百里

性命苟不

存英雄徒自強吞聲勿復道真宰意茫茫。

朱鶴齡曰六龍本以駕日有時恃其強陽則頓轡扶桑之上徒使海波鼎沸神人之方更足以制之此可見人臣而敢行稱亂者雖英雄自命終必不保其身事後飲泣亦何及矣且天意茫茫非可妄覲彼獨不以跋扈不臣為懼乎此詩乃深警祿山之徒或曰為僕固懷恩而發懷恩既反代宗使裴遵慶諭之懷恩抱其足而號泣所以有吞聲之句

地用莫如馬無良復誰記此日千里鳴追風可君意。

君看渥洼種態與駑駘異不雜蹏齧間逍遙有能事。

言能從容制勝以立大功

朱云渥洼之種既非駑駘又不蹏齧所謂追風可君意者也當時惟郭子儀李光弼足以語此肅宗不能專任公詩蓋以風之

遣興五首

見旅客悲

朔風飄胡鴈慘澹帶沙磧長林何蕭蕭秋草萋更碧。北里富薰天高樓夜吹笛焉知南鄰客公自謂九月猶絺綌。

長陵銳頭兒漢書高祖葬長陵長安志在咸陽縣東春秋後語平原君曰武安君小頭而銳出獵待明發。

駢弓金爪鏑梁元帝詩金爪鬪雞場此言箭鏃之利如金爪然白馬蹴微雪未知所。

杜詩鏡錄

卷五

三

此章諷勳貴豪縱之習○下三首皆追憶長安事

李云諷而不露

馳逐但見暮光滅歸來懸兩狼門戶有旌節

唐車服志大將出賜

旌以專賞節以專殺旌以絳帛五丈粉畫虎有銅龍一首纏緋幡紫縑為袋油囊為表節垂畫木盤三相去數寸隅垂尺麻餘與旌同

漆有用而割膏以明白煎蘭摧白露下桂折秋風前

莊子山木自寇也膏火自煎也桂可食故伐之漆可用故割之世說雷為蘭摧玉折不作蕭敷艾榮首四借物託興言才智難恃盛衰無常如蕭可鑿矣

府中羅舊尹

舊注唐京兆尹多宰相私人若蕭與鮮于仲通皆是故曰羅舊尹

沙道故依然

史國

補凡宰相禮絕班行府縣載沙填路自私第至於城東街號曰沙路于競大唐傳天寶三載因蕭京兆吳奏於要路築甬道載沙實之屬於朝堂

赫蕭京兆今為人所憐

漢書成帝時童謠故為人所羨今為人所憐按史天寶八載京兆尹蕭吳坐贓左遷

汝陰太守吳林甫所親善國忠誣奏譴逐林甫不能救

猛虎憑其威往往遭急縛

後漢呂布傳縛虎不得不急

雷吼徒咆哮枝

撐已在腳忽看皮寢處

左傳警於禽獸臣食其肉而寢處其皮矣

無復睛閃爍入

有甚於斯足以勸元惡

舊注此指吉溫之流唐書吉溫傳李林甫當國溫與羅希奭鍛獄相勉以虐號羅鉗

吉綱公卿見者莫敢稱語後貶端溪尉俄遣使殺溫一說即指安史輩

朝逢富家葬前後皆輝光共指親戚大總麻百夫行

送者各有死不須羨其強君看束縛去亦得歸山

吳志孫峻殺諸葛恪以葦席裹身用蔑束其腰投之於石子岡

五章亦係古雜詩體信手拈來自覺可歌可泣

此章慨趨炎附勢之徒

此章戒憑威肆

本章言貧富貴賤強弱皆同歸於盡為諸首總

杜詩鏡銓卷六

乾元中公客秦州作

秦州雜詩二十首

善唐書秦州在京師西七百八十里九注今屬陝西鞏昌府寰宇記秦州本秦隴西

郡漢武帝分隴西置天水郡王莽末隗囂據其地後漢更天水為漢陽郡張潛云隨意所及為詩不拘一時不拘一境不拘一事故曰雜詩

首章言初至秦事為二十首總目

滿目悲生事因人作遠遊時公以關輔大饑棄官西去遲迴度隴怯地

道記漢陽有大坂名曰隴坻亦曰隴山三秦記隴坂九迴欲上者七日乃得越浩蕩及關愁唐書隴州汧源縣西有安戎關在隴

山本大震關更名水落魚龍夜承經注汧水出汧縣西山其水東北流歷澗注以成淵潭漲不測出五色魚俗以為龍而莫敢

採捕因謂魚龍水亦通謂之魚龍川按隴頭歌隴頭流水鳴聲幽咽在以夜聽之尤悲山空鳥鼠秋水經渭水出隴亭南鳥鼠山爾雅鳥鼠同穴其鳥為鼯其鼠為鼯

二句亦係倒句法時地合說并見作客淒涼之況西征問烽火時吐蕃未靖

心折此淹留別賦心折骨驚言畏前途烽火故中路淹留也

二章咏城北寺也首句明點秦州結仍逗出客感

三章總寫秦州形勢

秦州城北寺勝跡一作隗囂宮

傳是

承宮

方輿勝覽秦州麥積山之北舊有隗囂宮杜臆地志州東北山上有宮古寺湊寂造句

崇甯寺乃隗囂故居尤傳

承寺

苔蘚山門古丹青野殿空月明垂葉露雲逐

度溪風清渭無情極愁時獨向東

渭水在秦州東流於長安嘆已之不得趨朝也

州圖領同谷

唐書秦州都督府督領天水隴西同谷三郡

驛道出流沙

宋注驛道西出吐蕃之道唐六

曲隴右道東接秦州西逾流沙流沙在沙州以北連延數千里

降虜兼千帳居人有萬家馬驕

朱汗落

梁簡文帝紫駟馬朱汗染香衣

胡舞白題斜

漢灌嬰傳斬胡白題將一人白題西域國名薛夢符曰題者額

也其俗以白塗聖其額因名舞則首偏故曰白題斜

年步臨洮子

臨洮在秦州西西來亦自誇

閭聽小子談笑覓封侯意言習俗驕悍居民亦然尤見此邦可憂舊謂諷詞非是

一旬承鼓角

鼓角緣邊郡

川原欲夜時秋聽殷地發風散入雲

并帶憂邊警意

悲上句見聲之深入此句見聲之高舉

抱葉寒蟬靜歸山獨鳥遲萬方同

槩吾道竟何之

言本因避亂而來到此仍無甯宇亦更有何地可托足耶

南使宜天馬

南使猶言漢使漢書張騫使西域還得烏孫天馬

由來萬匹強浮雲連

陣沒西京雜記文帝自代還有良馬九匹一曰浮雲漢天馬歌爾浮雲膾上馳

秋草徧山長聞說真龍

種仍殘老驢驢哀鳴思戰鬪迴立向蒼蒼

朱鶴齡曰通鑑是年春三月九節度之師潰於鄴城戰馬萬匹惟存三千此詩浮雲連陣沒正其事也秦州乃出西域之道故感天馬事而賦之○張潛曰九節度師潰鄴子儀獨保河陽詔畱守東都此詩真龍種老驢驢皆指子儀言望其戮力王室以建大功也

城上胡笳奏山邊漢節歸指徵兵防河赴滄海

宋注唐河

等州皆古渤海郡地黃河入海於此

奉詔發金微

唐地理志羈縻州有金微都督府隸安北都護府時發金微之卒防禦河北途

六章傷防河戍卒也亦在驛道所見

七言律

卷六

二

經秦州故賦其所見。士苦形骸黑林疏鳥獸稀。仇注言軍士遠涉適當林木風凋之候。那堪。

往來成恨解鄴城圍。補注末句點明徵兵之由。圍不曰潰而曰解諱之也。

莽莽萬重山孤城山谷間無風雲出塞不夜月臨關。

七章憂吐蕃之不庭。吳昌祺云如鵬鶚盤空雄健自喜。

何晚。漢書蘇武使匈奴歸拜為典屬國。樓蘭斬未還。漢書傅介子持節至樓蘭斬其

聞道尋源使從天此路回牽牛去幾許。言不見路遠乘棧至牽牛湑出博物

入章懷古傷今格法用上下呼應一氣。

宛馬至今來一望幽燕隔何時郡國開。宋注時河北幽燕諸州皆陷史思明

東征健兒盡。唐書天寶十四載冬以安祿山反京師募兵十萬號天武健兒此亦謂鄴城之敗。羌笛暮吹

哀。

今日明人眼臨池好驛亭叢篁低地碧高柳半天青。

九章咏秦州驛亭也即借傳舍逗出謀家室意。

稠疊多幽事喧呼閱使星。後漢李郃傳和帝遣使者二人到益部郃曰有二使星入蜀分野晉天文志流

老夫如有此不異在郊垆。一說補注此間直可作幽人別墅其奈何為倥偬之區何反看亦好

斗章咏秦州雨景兼傷邊事。

雲氣接崑崙。括地志崑崙山在肅州酒泉縣西南八十里。涔涔塞雨繁羌童看渭

水。張潛注看者測其淺深有窺覷秦州意。使節向河源。唐書鄯州鄯城縣有河源軍屬隴右道。烟火軍中

幕牛羊嶺上村。二句言其地軍民雜處。所居秋草靜正閉小蓬門。

十一對雨而傷  
寇亂也前四律  
帶古意

十二章咏南郭  
寺也

十三章思遊東  
柯谷也○下四  
首專為所居言

十四咏仇池之  
勝也○東柯近  
仇池稍遠故東  
柯三首仇池只  
一首

蕭蕭古塞冷漠漠秋雲低黃鵠翅垂雨蒼鷹饑啄泥

仇注鵠垂翅見奮飛無路鷹啄泥慨一飽難期二句亦帶興意 薊門誰自北指思明自北當即用毛詩以其不服故作此反詰

漢將獨征西指吐蕃後漢光武紀以偏將軍馮異為征西將軍 不意書生耳臨衰厭

鼓鼙

山頭南郭寺水號北流泉寰宇記天水縣界有水一派北流入長道縣界舊唐書秦州州前有湖水冬夏

老樹空庭得清渠一邑傳謂傳注於一邑也 秋花危石

底晚景臥鐘邊俛仰悲身世溪風為颯然

傳道東柯谷通志東柯谷在秦州東南五十里杜甫有祠於此宋栗亭令王知彰記云工部棄官寓東柯谷姪佐之居隨僕曰天

水圖經載秦州隴城縣有杜工部故居及其姪佐草堂在東柯谷之南麥積山瑞應寺上按此則公居特與相近當另是一處觀後示姪佐及佐還山後寄

深藏數十家對門藤蓋瓦映竹水穿沙瘦地翻宜

粟陽坡可種瓜陽坡坡之向日者宋注阮籍詩昔日東陵瓜今在青州外五色耀朝日子母相鈞帶可見種瓜之宜陽地矣二

船人近相報但恐失桃花句見不惟山水幽勝兼有謀生娛老之資

趙汭已起用傳道二字則以下景物皆是未至谷中先述所聞末方言泛舟往遊恐如桃源之迷路也

萬古仇池穴水經注仇池絕壁峭峙孤險其高二十餘里羊腸蟠道潛三十六迴山上豐水泉所謂清泉湧沸潤氣上流者也

通小有天名山記王屋山有洞周迴萬里名小有清虛之天東坡志林趙德麟曰仇池小有洞天之附庸也王仲至謂余曰嘗奉使過仇

神魚今不見舊注世傳仇池穴出神魚食之者仙 福地語真

傳近接西南境浦注仇池山在秦州西南一 長懷十九泉宋注按

何當一作 茅屋舊志仇池上有田百頃泉九十九眼此云十九泉豈舉其最勝者耶觀卒章讀記憶仇池則前六句皆是引記中語



送老白雲邊

李子德云仇池勝地詩之高老足以發之

十五在秦而羨東柯也

未暇泛滄海悠悠兵馬間塞門風落木客舍雨連山  
阮籍行多興龐公隱不還東柯遂疏懶休鑷鬢毛斑

謂無心出仕也左思白髮賦星星白髮生於鬢垂將披將鑷好鬢是糜

十六定計卜居東柯也

東柯好崖谷不與眾峯羣落日邀雙鳥晴天卷一片  
雲野人矜險絕水竹會平分朱注言野人久占水竹之居欲與之平分其勝採藥吾將老  
兒童未遣聞

十七咏山居苦

邊秋陰易夕不復辨晨光簷雨亂淋幔見雨之驟山雲低度

牆見雲鷓鴣窺淺井鷓鴣食魚陶隱居云今謂之水老鴉久雨井生魚故窺之蚯蚓上深堂車

馬何蕭索門前百草長杜臆有幔有牆有井有堂似是即次後之作

地僻秋將盡山高客未歸塞雲多斷續邊日少光輝

十八客秦而憂吐蕃也此與下首又及國事

警急烽常報傳聞檄屢飛西戎外甥國唐書景龍四年以金城公主下嫁吐蕃

何得迓天威反言以見和親之無益也

十九憂亂而思良將也

鳳林戈未息承經河水又東歷鳳林北注鳳林山名也五巒俱峙魚海

路常難朱注魚海地在河州之西屬吐蕃境候火雲峰一作峻言烽火多在山上懸軍幕

井乾易井收勿幕注井口曰收勿遮幕之此借言軍幕之井二句指官軍深入也風連西極動月過北

庭寒唐書北庭大都護府屬隴右道故老思飛將何時議築壇漢書李廣為右北平太守匈奴

號曰飛將軍飛將軍舊指子儀與上六句不洽當指從前征吐蕃有功者

未章慨世不見用而羈棲異地也為二十首總

也為二十首總

唐堯真自聖野老復何知。曬藥能無婦。應門亦一作幸有

兒。言欲攜家而來二句見心口相商意藏書聞禹穴。吳越春秋禹登宛委之山發石得金簡玉字之書山中有一穴深不見底謂之禹穴句係陪說取與仇池穴相類耳仇注非讀記憶仇池為報駕行舊鷓鴣

在一作寄一枝。

張上若云是詩二十首首章敘來秦之由其餘皆至秦所見所聞也或遊覽或感懷或即事間有帶慨河北處亦由木地觸發大約在西言西反復於吐蕃之驕橫使節之絡繹無能為朝廷效一籌者結以唐堯真自聖無須野人惟有以家事付之婦與兒此身訪道探奇窮愁卒歲寄語諸友無復有立朝之望矣公之志可知也

月夜憶舍弟

戍鼓斷人行。秋邊一作邊秋一鴈聲。露從今夜白。月是

故鄉明。謂猶是故鄉月色有弟皆分散。無家問死生。寄書長不

達。況乃未休兵。

凄楚不堪多語

王彥輔曰子美善用故事及常語多顛倒用之語峻而體健如露從今夜白月是故鄉明之類是也

天末懷李白

陸機詩佳人眇天末

涼風起天末。君子意如何。鴻鴈幾時到。望音信江湖秋水

多。慮其風波文章憎命達。文人多遭困躓反似憎命之達者即詩能窮人意魑魅喜人過。白流夜郎

乃魑魅之地黃生注喜人過即招魂中應其冤魂語。投詩贈汨音密

羅。湘水係中途所經亦見白幾與屈同冤也水經注湘水又北汨水注之汨水東出豫章艾縣恆山西經羅縣北謂之羅水又西為屈潭屈原懷沙自沈於

黃目山云不日弔日贈說得冤魂活現

此統志汨羅江在長沙湘陰縣北

邵子湘云如此詩可以懷李○蔣弱六云向空遙望喃喃作聲此等詩真得風騷之意

宿贊公房

原注京中大雲寺主講此安置趙汾曰贊公亦房相客公故與之款曲如此

杖錫何來此

邵注杖錫禪家以錫為杖也釋氏稱遊行僧為飛錫安住僧為掛錫

秋風已颯然雨

荒深院菊霜倒半池蓮放逐甯違性虛空不離

去聲禪

言諸事久已悟徹當不以遷謫動心

相逢成夜宿隴月向人圓

仇注隴經如來於此四天下中或

名圓滿月

赤谷西崦人家

地理志秦州有崦嵫山在赤谷之西故曰西崦一統志赤谷在秦州西南七十里此公偶寓宿

山家而作

躋險不自安出郊已清目

二句言從山行而來

溪迴日氣暖逕

山田熟

二句說西崦

鳥雀依茅茨藩籬帶松菊

二句說人家

如行武陵暮欲問桃源宿

西枝村尋置草堂地夜宿贊公土室

西枝村尋置草堂地夜宿贊公土室

公已卜居東柯

矣以贊公故意欲移居西枝觀後別贊詩知仍未果耳

郭眇細岑披榛得微路溪行一流水曲折方屢渡

仇注溪止一水以左右往來故須屢渡此首言獨往訪贊

贊公湯休徒

注見二卷

好靜心跡素昨枉

霞上作盛論巖中趣怡然共攜手恣意同遠步捫蘿

澁先登陟巘眩反顧要求陽岡煖苦涉陰嶺洹

宋注山南向口

有王孟之清幽在公集中亦為變調

李云三謝正格可稱雋永

惆悵老大藤。沈吟屈蟠樹。公意在尋向陽地方而山南竟無隙地故不免惆悵

卜居易未展。杖策迴旦暮。言旦去而層巔餘落日草

蔓已多露。

天寒鳥以歸。月出山更靜。土室延白光。松門耿

疏影。躋攀倦日短。語樂寄夜永。明燃林中薪。

暗汲石底井。大師京國舊。德業天機秉。

從來支許遊。興趣江湖迴。數奇所其謫

關塞。道廣存箕穎。何知戎馬間。復接塵事屏。幽尋豈

一路遠。色有諸嶺晨。光稍朦朧更。越西南頂。

前首從尋置草堂帶起宿土室次首從夜宿土室環轉尋草堂章法整密

寄贊上人

此別後更寄之作玩詩意似是前此卜居未遂今聞西谷有可居處復寄詩與商確耳

一昨陪錫杖。卜隣南山幽。年侵腰腳衰。未便陰崖秋。

重岡北面起。竟日陽光留。茅屋買兼土。斯焉心所

求。近聞西枝西。有谷杉柰。稠亭午頗

和暖。石田又足收。當期塞雨乾。宿

昔齒疾瘳。徘徊虎穴上。面勢龍泓頭。

柴荆具茶茗。逕路通林邱。

劉溪溪云自然鏡自然語

謝靈運詩牽葉入松門

仇注燃薪代燭汲井煮茶此山居清況

謂支遁詩詢注見一卷此言公與贊交好有素

史記李廣數奇孟康曰奇隻不耦也朱注贊公不知以何事謫秦州師氏注贊公與房琯遊從琯既得罪贊亦被謫此語未詳所本姑存其說

言能隨遇而安

此處方點出西枝

應上

六句即前詩要末陽剛暖二句意

乃居主意

梁元帝纂要日在午日亭午亭高貌午時日正高也

陝西通志虎穴在成縣城西

神農食經早收日茗

神農食經早收日茗

神農食經早收日茗

飛龍峽一天井山總是與西枝相近之地

結得瀟灑有致

與子成二老來往亦風流

蔣弱六云此首全是虛擬卻說得十分熱鬧十分暢適如已在草堂上共話足見相知之真

太平寺泉眼

仇云首從寺泉敘起

招提憑高岡疏散連草莽莫補切出泉枯柳根汲引歲月

古石間見海眼海眼注見後卷石笋行此寺泉從石中而出亦如海眼也天畔縈水府真廣

深丈尺間宴息敢輕侮只此丈尺之間人不敢侮者以中有神物故也青白二小蛇

幽姿可時覩如絲氣或上爛漫為雲雨宋注二蛇乃龍類故吐氣為雲雨

盡土取供十方僧法華經十方佛土中惟有一乘法香美勝牛乳言其白而甘

此形容泉眼之靈異

北風起寒交弱藻舒翠縷明涵客衣

淨細蕩林影趣何當宅下流餘潤通藥圃三春溼黃

精本草黃精陽草久服輕身延年一食生毛羽拾遺記昭王夢有人衣服皆毛羽因名羽人抱朴子韓終服菖蒲身生毛壯臆

東樓樓跨府城上

萬里流沙道注見前西行過此門但添新戰骨不返舊征

魂樓角凌風迴城陰帶水昏傳聲看驛使送節向河

源恐復有興師之事也上四說從前此四說當下

雨晴

兩晴

此言其味美而色清

此羨山泉而仍動卜居之興也

蔣云括盡唐人征戎佳語

惟乳泉香美故引潤黃精而一服可仙

白佛言憶念昔時世尊身小有疾當用牛乳

經注云漢水又東合洛谷其地有神蛇成左山頭到山下鑿井不

邵云寫景疏散

天際一作承

秋雲薄。從西萬里風。今朝好晴景。久雨不妨

農塞柳行疏。翠山梨結小紅。

韻如繪。謂循聲因晴而倍響也。一鴈入高空。

胡笳樓上發。

寓目

一縣葡萄熟。

永徽圖經蒲萄生隴西五原燉煌山谷今處處有之汁可釀酒

秋山苜蓿多。

兩雅翼苜蓿似

灰藿秋後結實黑房累累如稜俗謂木粟米可為飯亦可釀酒

關雲常帶雨。

以山氣之殊塞水不成河。

沈上

地高四下荒涼無阻故不成河

羌女輕烽燧。胡兒制

一作擊

駱駝。自傷遲暮眼。

喪亂飽經過。

言不堪再逢亂離也

何義門云公先欲卜居秦州以其逼吐蕃必亂故去而之蜀○朱鶴齡曰此詩當與州圖領同谷一首參看關塞無阻羌胡雜居乃世變之深可慮者公

故感而嘆之未幾秦藩果為吐蕃所陷

山寺

方輿勝覽麥積山在秦州東南百里為秦地林泉之冠姚秦時建瑞應寺在山之後姚興鑿山而修千崖萬象轉崖為關又有

隋時塔杜甫有詩

野寺殘僧少。

謂餘僧無幾

山園細路高。麝香眠石竹。

嵇康養生論麝食柏

而香圖經本草麝香出秦州文州諸蠻中尤多西陽雜俎衛公言蜀中石竹有碧花

鸚鵡啄金桃。

鸚鵡亦隴右所產舊唐書貞觀

中康國獻金桃銀桃

亂水通人過。

爾雅釋水正絕流曰亂

懸崖置屋牢。

天水圖經麥積山有瑞應寺山

形如積麥佛龕刻石閣道縈旋上下千餘丈山下水縱橫可涉

上方重閣晚。

邵注上方謂方丈在山頂也

百里見

秋毫

何義門云麝以香焚逃竄無所黷以言累因閉不放非此山高峻人迹不至安得適性如此三四以奇麗寫幽寂真開府之嗣音

卽事

舊唐書乾元二年三月回紇從郭子儀戰於相州城下不利奔西京四月可汗死其牙官都督等欲以甯國公主殉葬公主以

中國禮拒之然猶依本國法榜面大哭竟以無子得歸八月詔百官於鳴鳳門外迎之

聞道花門破

和親事卻非

言回紇本不足待至此方知和親無益耳

人憐漢公主

生得渡河歸

秋思

李云當作愁思

拋雲髻腰肢臃

音剝

寶衣羣凶

猶索戰

朱注是年九月史思明分兵四道濟河李光弼棄東都守河陽

回首意多違

朱鶴齡曰此詩言和親之無益也時公主不肯殉葬又以無子歸唐則回紇之好失矣然向者結婚回紇實欲資其力以討賊今賊方索戰而回紇之好

中絕其如和親之本意何結句正與次句相應

遣懷

愁眼看霜露寒城菊自花天風隨斷柳客淚墮清笳

情酸心處讀之

水靜樓陰直山昏塞日斜

趙注水靜句下因

夜來歸鳥盡

天河

常時任顯晦秋至轉

一作最

分明

二句即士窮見節義意

縱被浮雲掩猶

能承夜清含星動雙闕

心之所注即依斗望京意

伴月落邊城

身之所居

牛女

年年渡何曾風浪生

洪仲曰天河初月二詩皆暗寫題意不露題字○浦二田云只寫天河而戀關之誠遠遊之感與讓口中傷之不足相累言外都隱隱見之粘着則戒鈍

漢矣

初月

光細茲欲

一作上

歷書月至八日上弦至二十三日下弦

影斜輪未安微升古塞

外已隱暮雲端河漢不改色

月明則河漢當為所奪今關山一上即落故仍不改色也

空自寒

樂府有關山月題句謂月光沒後

庭前有白露暗滿菊花團亦在月隱中見

出微光閃爍團團當與溥通毛詩零露漙漙兮說文溥露多貌謝惠連詩團團滿葉露謝朓詩猶露餘露團皆作團字用

山谷詩話王原叔說此詩為肅宗作○朱鶴齡曰按肅宗即位靈武旋為張后李輔國所蔽故舊注以古塞一句為託喻後人將不四句俱牽合作比如

何可通

擣衣

浦注古樂府擣衣篇皆託為從軍者之婦言

亦知戍不返秋至拭清砧已近苦寒月況經長別心

甯辭擣衣

一作

倦一寄塞垣深

遠也秦豈疏秦築長城漢築塞垣塞垣即長城也

用盡

閨中力君聽空外音

朱注末句即王灣擣衣詩風響傳聲不到君意

沈確士云一氣旋折全以神行○劉須溪云此晚唐所竭力彷彿之者

歸燕

仇云傷羈旅也

不獨避霜雪其如儔侶稀

當時賈至嚴武等皆因房瑄而出所謂儔侶稀也

四時無

失序八月自知歸

月令二月元鳥至八月元鳥歸

春色豈相訪眾雛還識

機故巢倘未毀會傍主人飛

上二似問詞此二似答詞盧元昌曰末句見身雖棄官而心還戀主

忠厚之至也

鍾伯敬云少陵如苦竹蒹葭胡馬病馬鷓鴣孤雁促織螢火歸燕歸雁鷓鴣白小猿雞鹿諸詩有讚羨者有悲憫者有痛惜者有懷思者有慰藉者有嗔怪者有嘲笑者有勸戒者有計議者有用我語詰問者有代彼語對答者蠢者靈細者巨恆者奇默者辨咏物至此神佛聖賢帝王豪傑具此難者手矣



促織感客思也爾雅釋蟋蟀一名蟀今促織也

促織甚微細哀音何動人草根吟不穩言非定一處牀下意

相親久客得無淚故妻難及晨謂聽之而夜不能眠也朱買臣傳故妻與夫家見買臣飢寒呼

飯之顧注故妻指棄婦婦婦悲絲與急管感激異天真宋注絲管感人不如促織之甚以聲出天真故也

螢火刺闌宦也

幸因腐草出敢近太陽飛未足臨書卷用車允事時能點客

衣隨風隔幔小帶雨傍林微十月清霜重飄零何處

歸

仇滄柱云此詩黃鶴謂指李輔國輩今按腐草譬刑餘之人太陽乃人君之象比義顯然隔幔傍林言其潛形匿跡未謂不久自當漸滅也

蒹葭此傷賢人之失志者

摧折不自守言其生質脆弱秋風吹若何暫時花戴一作帶雪幾處

葉沈波體弱春苗早叢長夜露多江湖後搖落仇注北方風氣

早寒故蒹葭望秋先零南方地氣多暖故在江湖者後落亦恐歲蹉跎言遠託江湖者搖落雖遲但恐歲月易過不能自立亦終不免

於摧折耳末二句有自傷意

顧脩遠云此咏秋日蒹葭而兼及四時苗早言春露多言夏後落則又涉冬矣

苦竹此嘉君子之苦節者齊民要術竹醜者有四曰青苦白苦紫苦黃苦

青冥亦自守張衡南都賦青冥芊眠此言筠色也軟弱強扶持味苦夏蟲避

不可語冰龍子夏蟲叢卑春鳥疑軒墀曾不重翦伐欲無辭幸近

幽人屋。霜根結在茲。

王右仲云前章不自守言遭時之窮此章亦自守見保身之哲讀二詩知公去就之間善於審處也。中四句言世已見棄未欲以隱居全晚節也。弱伐欲無辭何等謙厚。

除架

瓜架也二首亦公白寓皆自傷零落之意

東薪已零落

以構架者

瓠葉轉蕭疏。幸結白花了。

杜隱瓠與瓜有

別瓜乃總名瓠是開白花者

甯辭青蔓除。秋蟲聲不去。

喻窮交猶在

暮雀意何

如喻勢交已離

寒事今牢落

起句

人生亦有初

詩靡不有初鮮克有終言始盛終衰

即人生亦然也

王阮亭云天涯逐客落莫窮途不覺觸物寄慨以為護刺嗚呼。仇滄柱云唐人工於寫景杜詩善於摹意甯辭青蔓除能代物揣分豈敢惜凋殘能代

物安命不獨麋雁詩善訴哀情也

廢畦

秋蔬擁霜露。豈敢惜凋殘。暮景數枝葉。天風吹汝寒。綠霑泥滓盡。香與歲時闌。生意春如昨。悲君白玉盤。

浦注公詩云春日春盤細生菜蓋唐制有立春頒賜之典言春盤之薦猶如昨日今乃僅存凋殘之葉深可悲也

夕烽

夕烽來不近。每日報平安。

唐六典凡烽候所置大宰相去三十里其放烽有一炬二炬三炬四炬者隨賊

多少而為差焉近畿烽二百七十所宋注唐鎮戍每月初夜放烟一炬謂之平安火祿山事跡潼關失守是夕平安火不至帝懼焉

塞上傳

光。小。雲。邊。落。點。殘。照。秦。通。警。急。過。隴。自。艱。難。聞。道。蓬。

黃山云風霜日日月日夾霜日擁常字詩男俱出意外

萊殿千門立馬看

浦二田云五六從平安內看出警急深致戒於守者蓋惟邊將照秦知警則蕃兵過隴斯難所謂將軍且莫破愁顏也結更將廊廟憂虞警其時刻準備日蓬萊立馬恍見君心安不忘危之象足使聞者矍然

秋笛 此塞上聞笛有感征人而發

清商欲盡奏 宋玉笛賦吹清商發流徵 奏苦血霑衣他日傷心極征人

白骨歸 言笛本欲聞其盡奏然方秋時商音淒愴易動哀思若又惟恐其盡奏者以此間慘景木凋目傷心故也 相逢恐恨

過故作發聲微不見秋雲動悲風稍稍飛 韓非子師曠奏清徵有元雲從

西北方起再奏之大風至 雖微其悲猶感入風雲況可盡奏乎

浦二田云詩用逆局筆筆凌空着幾飛去律體至此超神入化

日暮

日落風亦起城頭烏尾訛 後漢書桓帝時童謠曰城上烏尾畢連詩傳訛動也 黃雲高

未動 塞雲故多黃 白水已興波 見風尚小而勢已震 羌婦語還笑 一作胡兒

行且歌將軍別換馬夜出擁雕戈

王右仲云日落風起雲屯波撼此虜將入寇之象故羌婦笑而胡兒歌羌胡蓋降夷也邊將擁戈夜出其惶急可知矣

野望

清秋望不極迢遞起層陰 下六總在層陰中望見者 遠水兼天淨孤城

隱霧深葉稀風更落山迴日初沈獨鶴歸何晚昏鴉

已滿林 言凡鳥有巢而鶴獨遲歸以况已之無家也

唐仲言云杜公下字善於用虛如晚出左掖詩融淫去低此篇兼淨隱深俱沈細可想

空囊

翠柏苦猶食列仙傳赤松子好食柏實齒落更生明霞高一作朝可餐相如大人賦呼吸沆瀣餐朝霞

為窮况妙在詠諧瀟灑

二句乃自嘲自解之詞言直欲學仙人辟穀也作實講非是世人共鹵莽即眾人貴苟得意吾道屬艱

難不爨井晨凍無衣牀夜寒言僅存微衾故不煖囊空恐羞澁雷

得一錢看補遺詩文籍雖滿腹不如一囊錢杜臆看乃看守之看

病馬

乘爾亦已久天寒關塞深塵中老盡力歲晚病傷心

毛骨豈殊眾馴良猶至今杜臆二句即不稱力而稱德之意再溯到從前所謂沈吟也物微

意不淺感動一沉吟

蔣弱六云貧賤患難中只不我棄者便生感激故寫得真摯

蕃劍

致此自僻遠又非珠玉裝西京雜記高帝斬白蛇劍劍上有七采珠九華玉如何有

奇怪每夜吐光芒虎氣必騰上一作越吳越春秋闔閭死葬以扁諸之劍金精上揚為白虎踞

龍身甯久藏雷次宗豫章記有紫氣見牛斗間張華問雷孔章曰虎邱

其土號曰虎邱獄得二劍其夕牛斗氣不復見孔章乃雷其一匣而進之華遇害此劍飛入襄

城水中孔章臨亡戒其子恆以劍自隨後為建安從事經淺瀨劍忽於腰間躍

出見二龍相隨逝焉又殷芸小說有人盜發王子喬墓惟有一劍懸在空中欲取之劍便作龍吟虎吼俄而飛上天

持汝奉明王

浦二田云借蓄劍聊一吐氣作有芒。顧修遠云豐城獄底秦州旅次同一感慨。

銅瓶

汲水器唐汝詢曰張籍楚妃怨梧桐落葉黃金井橫架轆轤素縷美人初起天未明手拂銀瓶秋水冷讀籍詩杜義自明

亂後碧井廢時清瑤殿深銅瓶未失水百丈有哀音

側想美人意美人指汲井宮人應悲一作非

寒瓚沈風俗通瓚聚甑修井也言此瓶失水當時不知若何珍惜蛟龍半失落師尹曰蛟龍蓋瓶上刻鑄者猶

得折黃金楊慎曰折當也以屬舊宮古物故雖缺落而猶為可貴耳

洪容齋云此篇蓋見故宮井內汲者得銅瓶而作首句便說廢井則下文反覆敘述為難而曲折宛轉如是全在時清瑤殿深句追想宮中情景便覺如許生動他人畢一生摹寫不能到也。黃白山云因銅瓶思美人因美人思瑤殿注意在太平之時不可復見耳如此詩乃可當沈鬱頓挫四字

送遠

此詩當是既別後作詩以追送者上四昨日送行之事下四今朝惜別之情

送人從軍

原注時有吐蕃之役

帶甲滿天地何為君遠行親朋盡一哭鞍馬去孤城

草木歲月晚關河霜雪清二句途中景別離已昨日因見古

人情仇注江淹古別離黃雲蔽千里遊子何時還送君如昨日簷前露已圓不惜蕙草晚所悲道里寒末四句借此作案言古今有同悲也

邵子湘云一幅出塞圖看他一氣轉折。王西樵云感慨悲壯不減蕭蕭易水之句

送人從軍

原注時有吐蕃之役

弱水應無地補注弱水今自甘州界流入肅州之西南出塞應無地謂當地盡處陽關已近天漢西域傳

今君度沙磧累月斷人烟好武甯論

命謂不顧生死封侯不計年謂不論遲速馬寒防失道雪沒錦鞍韉

浦二田云若將前兩聯倒轉便平坦如此起勢分外突兀上四悲其遠道獨行下代述其壯懷復囑以小心謹慎恩誼備至

似太白



童稚捧應癩

急就篇注 顛亦作癩

秋日阮隱居致薤三十束

此以詩作寄謝之簡

隱者柴門內。畦蔬繞舍秋。盈筐承露薤。不待致書求。束比青芻色。圓齊玉筍頭。言薤根之白衰年關鬲冷。味暖併

無憂。本草陶隱居曰薤性溫補 仙方及服食家皆須之

秦州見勅一作除官目曰

薛三據授司議郎

唐書東宮官屬有司

畢四曜除監察御史也與二子有故遠

喜遷官兼述索居凡三十韻

按此詩法駕初還下諸解俱有未合今訂正

大雅何寥闊。斯人尚典刑。交期余潦倒。才力爾精靈。

二子聲一作同日諸生困一經

杜臆公罷職故自此諸生

文章開竅奧

爾雅

南陽謂之奧東

遷擢潤朝廷

謂足為朝廷生色

舊好何由展新詩更

憶聽別來頭併白相見眼終青

阮籍見佳客則為青眼 阮注上四承才力句身困而喜彼陞擢

也下四承交期句身衰而望其垂注也

伊昔貧皆甚同憂歲不甯棲遑分半菽

浩蕩逐流萍俗態猶猜忌

承歲不甯妖

氛忽杳冥獨慙投漢閣

投閣注見一卷宋注楊雄為莽大夫以比降賊諸臣如陳希烈張均兄弟是也

俱議哭秦庭

左傳吳入郢申包胥如秦乞師立依庭牆而哭日夜還蜀不絕聲七日秦師乃出以比肅宗遣使徵兵回紇也

祇無補

魏志黃權降魏曰臣降吳不可還蜀無路是以歸命浦注句自謙脫賊謁上鳳翔任拾遺之事

囚梁亦固局

華夷相混合宇宙一羶

漢書梁孝王下鄒陽獄陽從獄中上書王立出之謂二子亦嘗被賊拘於洛陽也

遷官 忘已說完因其久屈後伸故從前閒話反敘述許多乃正益見其可喜

此申彼此舊交

及遭逢亂離之  
致

杜言金

腥帝力收三統天威總四溟舊都俄望幸清廟肅維

馨謂收復長安雜種雖高壘長驅甚建瓴漢高紀地勢便利其以下兵於諸侯若居高屋之上建瓴

也焚香淑景殿長安志西南絲絲院西有淑景殿漲水望雲亭注見一卷法駕初

還日羣公若會星猶云聚星朱注引詩非是宮臣仍點染入哀鄭度詩云點染無滌盪謂被誣

仍未史記老子為柱下史浦注肅宗還京時眾慶彈冠而兩柱史正零丁人尚困想因其曾被賊拘又遭讒妬遂致嫌疑踏踏曰

宮臣杜史者特就今日之官稱之若謂薛舉於當時已授此官不應至秦州始見勅曰也官忝趨棲鳳唐駢劇談錄含

鳳翔鸞朝回歎聚螢喚人看驥裏不嫁惜娉婷言我是時忝官拾遺歎二

子好學而貧逢人為之吹薦而掘劍知埋獄注見前提刀見發硌提刀

無如罕遇知音深惜過時不字此處追慨二公帶入自己漁父東方朔傳保儒飽欲死臣朔飢欲死

忘偏醒楚詞漁父屈原曰眾人皆醉吾獨醒漁父曰何不鋪其糟而啜其醪此又言朝廷侍祿者多以二子之才反至久遭屈抑也旅

泊窮清渭長吟望濁涇宋注渭水在秦州涇水在長安言寓秦州而憶長安也二句諸解多屬上段今按當另提

起羽書還似急烽火未全停師老資殘寇戎生及近

堀時鄴圍既潰史思明且濟河會沐忠臣詞憤激烈士涕飄零上將盈邊

鄙元勳溢鼎銘仰思調玉燭爾雅西時謂之玉燭誰定握青萍陳

答曹植君侯秉青萍干將之器謂劍名也言欲佐太隴俗輕鸚鵡言

邊俗不知愛才當用禰衡賦事又鸚鵡本出隴右故云原情類鵲鴿句言交情有如同氣秋風動關塞

高臥想儀形舊作刑從仇本與前不復世說東海王曰爾習禮度不如式瞻儀形末乃自感遠遊而有懷薛舉也

寄彭州高三十五使君適虢州岑二十七長史

杜詩鏡全

卷六

三

時及方喜遷官  
之事  
以下乃所謂兼  
途索居者也

又帶歎息時事  
正與前幅相應  
何云萍字兩用  
字義各別古有  
此體

仍結到當下住



參三十韻

唐書彭州濛陽郡屬劍南道號州宏農郡屬河南道按彭州今成都府彭縣號州今河南府盧氏縣補汪高岑

雖典州郡亦可謂官職聲名俱入手矣公在羈旅沈海中慨然遠想故寄此詩

故人何寂寞

沈約何嘗寂寞也

今我獨淒涼老去才難盡

南史江淹晚節

以故人別出今我卻仍以老興呼起詞客賓主互用筆如游龍

秋來興甚長

潘岳有秋興賦

物情尤可見詞客未能忘

海內知名士雲端各異方高岑殊緩步沈

鮑得同行

沈約鮑照

意愜關飛動篇終接混茫舉天悲富駱

近代惜盧王

唐書富嘉謨武功人舉進士文章本經術中興初官監察御史卒駱賓王義烏人七歲能賦詩武后時除臨海丞棄

邵云意愜二句杜詩實有此境地他人不能到反跌波瀾橫溢亦是自家一肚穿騷反借前人濁發耳

似爾官仍貴前賢命可傷諸侯非棄擲

半刺已翱翔

職原別駕長史司馬通謂之上佐庾亮答郭豫書別駕舊與刺史別

詩好幾時見

一作信

將男兒行處是

起驕旅郎

客子鬪身強

起沈

羈旅推賢聖沈綿抵咎殃三年

猶瘧疾

原注時患瘧疾

一鬼不消亡

後漢禮儀志注顯頊氏有三子生而亡去為疫鬼一居江水為瘧鬼

日搜脂髓增寒抱雪霜徒然潛隙地有覩屢鮮敷

潛隙地屢鮮莊言逃瘧也俗云避瘧鬼必伏於幽隙之地不爾則畫易容貌賓退錄曰高力士流巫州李輔國授謫制力士方逃瘧功臣閣下則避瘧之說自

何太龍鍾極

音箱雜記古語有二聲合為一字者蓋起於西域二合之音義取此

於今出處妨無錢居帝里盡室在邊疆

劉表雖遺恨龐公至死藏

注見五卷言當時雖有惜心微也

竊疑二句又為第二段之綱三年八句承沈綿無錢八句承羈旅

將云瑣屑怪幻一一俱能寫出

以秦州不可居  
跌起二君所居  
狂勝

杜詩錄

卷六

傍魚鳥肉瘦怯豺狼隴草蕭蕭白洮雲片片黃彭門

劍閣外入客。永經注李冰為蜀守見氏道縣有天彭山兩號略鼎湖旁至傳東盡

號略注從河內而東盡號界也四句外貼。荆玉簪頭冷實字記荆山在鼎湖縣南出美玉即黃帝鑄鼎之所

巴牋染翰光紙譜蜀牋紙盡用蔡倫法有玉牋貢餘經屑表光之名。烏麻蒸續曬本草胡麻生中原山

丹橋露應嘗蜀都賦戶有橋柚之園。豈異神仙宅

俱兼山水鄉竹齋燒藥竈花嶼讀書堂從朱本別本皆作牀上四記物產之佳此

更得清新否遙知對屬音忙。忙李因篤云對屬有二義詞欲其對情欲其屬也若詞對而

舊官甯改漢漢百官志武帝初置部刺史掌奉詔條察諸州。清俗本歸唐詩

濟世宜公等安貧亦士常列子榮啟期曰貧者

胡羯漫猖史記黃帝擒殺蚩尤於涿鹿之野。

狂史輩。會待妖氛靜論文暫裹糧

李子德云高岑偉人兼公夙契故其詩渾雄沈着冠絕古今。此詩只開手兩句竭盡通篇大意前後說高岑文章官職及致羨所居應上故人何寂寞中段自言邊方遠客貧病交攻應上今我獨淒涼敘法卻用彼此錯綜條理中正極其變化。高岑特以詞客見懷故只於結末略及世事篇中帶定言詩處脈理一絲不走

寄岳州賈司馬六丈巴州嚴八使君兩閣老五

十韻唐書地理志岳州巴陵郡屬江南西道巴州清化郡屬山南西道浦注巴州今為縣屬重慶府岳州今為府在洞庭湖北肅宗

紀九節度師潰汝州刺史賈至奔於襄鄧王道俊曰至貶岳州因棄汝之故嚴武傳坐房瑄事貶巴州刺史

衡岳猿嘯舊作嘯猿。裏巴州鳥道邊故人俱不利謫宦

王阮亭云雙起  
健筆凌雲唱嘆

結到太平聚首  
仍扣定論文章  
法最密

上詩卷八

卷六

三

而入  
仇云首段總挈  
大旨

杜詩錄

卷六

兩悠然開闢乾坤正謂兩京收復榮枯雨露偏仇注二句謂乾坤反正人各沾恩因

質有榮枯故受此雨露者偏異耳舊注直謂不得蒙恩而見謫未免語涉對上矣長沙才子遠漢書賈誼以大

王太傅西征賦賈生洛陽之才子釣瀨客星懸後漢書嚴光耕富春山中後人名其釣處為嚴陵瀨又光武與嚴光共臥太史

奏客星憶昨趨行殿殷憂捧御筵謂鳳翔行在謁肅宗討胡愁李廣犯帝座

宋注愁李廣當指哥舒翰謂其以老將敗績也奉使待張騫謂肅宗即位即遣使回紇脩好徵兵無復雲臺

仗謂明皇出奔廣信哀江南賦非無北闕之兵猶有雲臺之仗虛修水戰船謂西京失守西京雜記武帝作昆明池以習水

戰中有戈船樓船數百艘落劍三千謂軍士潰散畫角吹秦晉旄頭俯澗

灑謂漢書昂為旄頭妖星也灑灑二水在東都小儒輕董卓有識笑苻堅董卓殺於呂布苻堅亡於

鮮卑喻安史必滅浪作禽填海山海經至少帝之女溺死東海化鳥為名姓何衛取西山木石填海那將血射

天殷本紀帝乙為偶人謂之大神與之博令人為行天神不勝為革囊盛血仰而射之命曰射天二句更惡其不自量而敢於犯上也萬方

思助順一鼓氣無前陰散陳倉北唐書鳳翔府寶雞縣本陳倉更名晴熏

太白巔太白山亦在鳳翔亂麻屍積衛史記死人如亂麻衛謂衛州破竹勢臨燕

謂范陽也法駕還雙闕王師下八川上林賦入川分流指關內八水詳四卷注此時霑奉

引漢郊祀志禮月之夕奉引復迷章昭曰奉引前導引車時公為拾遺扈從還京故云佳氣拂周旋貔虎開

一作金甲謂將士暫休麒麟受玉鞭謂乘輿更駕侍臣諳入仗謂朝儀復備廢

馬解登仙謂舞馬仍歸通典晉制太僕有典牧乘黃等廢令齊職儀乘黃獸名龍翼馬身黃帝乘之而仙後因以名廢舊注上皇教舞馬

百匹嘶杯上壽祿山克長安皆運載詣洛陽收京後當復舊也花動朱樓雪城凝碧樹烟二句言初春景

百匹嘶杯上壽祿山克長安皆運載詣洛陽收京後當復舊也

花動朱樓雪城凝碧樹烟

初春景

百匹嘶杯上壽祿山克長安皆運載詣洛陽收京後當復舊也

百匹嘶杯上壽祿山克長安皆運載詣洛陽收京後當復舊也

百匹嘶杯上壽祿山克長安皆運載詣洛陽收京後當復舊也

色衣冠心慘愴故老淚潺湲哭廟悲風急舊唐書太廟為賊所焚子儀復

京師權移神主於大內長安殿上皇還謁廟請罪肅宗素服向廟哭三日

皇帝受命 月分梁漢米謝承後漢書章帝分梁漢儲米給民此言月俸也 春給水衡錢

漢書本始二年春以水衡錢為平陵徙民起第宅應劭曰水衡與少府皆天子私藏

宮莎軟勝綿莎草名拾遺記方丈山有莎蘿草細如髮一莖百尋柔軟香滑 恩榮同拜手出

入最隨肩晚著華堂醉寒重繡被眠轡齊兼秉燭謂同官遷謫多人五君詠 秉鈞

遊每至書枉滿懷賤每覺昇元輔深期列大賢指房瑁 秉鈞

方咫尺謂房相當國未幾 鍛翻再聯翩謂同官遷謫多人五君詠 禁掖

朋從改微班性命全青蒲甘受戮謂疏救房瑁漢書元帝欲易太子史丹伏青蒲上

以下言方欣茅茹旋見謫遷在賈嚴不免憂讓畏譏在已則又衰頹羈旅所謂榮枯雨露偏也

謙注青緣白髮竟誰憐謂罷官以後 弟子貧原憲諸生老伏當作

師資謙未達鄉黨敬何先後注弟子二句公蓋以原憲服虔自比而後輩嫌其貧老因言師資雖不敢居鄉黨

獨不當舊好腸堪斷新愁眼欲穿翠乾危棧竹紅膩小

湖蓮朱注巴在棧閣之外岳多湖泊 賈筆論孤憤嚴詩賦幾篇趙注賈曰筆以能詩南史有三筆六詩故也陸放翁云南朝詞人謂文為筆然賈亦非不能詩者不必泥 定知深意苦莫使眾人

傳貝錦無停織詩妻兮斐兮成是貝錦箋云喻讒人集已 朱絲有

斷絃鮑照詩直如朱絲繩 浦鷗防碎首霜鷓不空拳周甸曰鷓拳擊處大如彈丸鷓雉中

使東坡知此不至有烏臺之禍張云此段囑其緘默深藏言言忠告足見公與二子相與之厚

士寺竟全

相愛之深不是尋常投贈

其拳隨地僻昏炎瘴山稠隘石泉且將某度日應用酒

為年按賈嚴皆以瑄黨貶故雖移官州郡而尚恐讒慝中傷未能一日安枕也典郡終微渺治中實棄

捐通典高宗改諸州治中並為司馬仇云前彭州虢州乃除授也故曰諸侯非棄擲半刺已翔翔此巴州岳州乃貶謫也故曰典郡終微渺治中實棄

捐意各有屬立安排求傲吏莊子安排而去化乃入於寥天一郭璞詩漆園有傲吏比興展歸

田張衡有歸田賦去去才難得蒼蒼理又元老子元之又元古人稱逝矣

漢書楚元王敬禮穆生常為設醴及王戊即位忘設醴穆生退曰可以逝矣遂謝病去又敘人白己吾道卜終焉王羲之傳初渡浙江便有終焉

之二六句通是揣摹太息語恐隴外翻投跡謂身在秦州漁陽復控弦

控弦兵戈收前討胡奉使一段漁陽即范陽時史思明復反笑為妻子累甘與歲時遷親故行稀少兵

戈動接聯他鄉饒夢寐失侶自迤邐多病加淹泊長

段意末乃賓主並收自歎而望人也

吟阻靜便如公盡雄俊志在必騰騫仇注騫字作騫方合而騫字不在韻中今按

工記梓人為筍簞小體騫腹注身小而腹縮可以騫舉也則騫字亦可作舉之義此段就上傲吏歸田翻轉說見已則甘心遷世而二公不久仍當大用也

李子德云敘事整瞻用意深苦章法秩然五十韻無一失所如左馬大篇文字精神到底卓絕百代矣子美近體長篇多至千言而氣力愈壯全局既

審段落斯分縱橫開合任其所止而休真使人有望洋之歎樂天長排亦好學杜雖變化宏麗不及然如代書詩東南行等作直寫胸懷渾灑流轉無一

語牽湊才力亦自不同溫李而下率多填砌套語耳

寄張十一山人彪三十韻唐詩紀事彪蓋潁洛間靜者天寶末將母避亂嘗有北游酬孟

雲卿詩曰善道居貧賤潔服蒙塵埃慈母憂疾疾室家念栖栖又有神仙詩曰五穀無長年四氣乃靈藥

獨臥嵩陽客通記嵩山東太室西少室嵩其總名浦注在今河南登封縣界三違潁水春水

艱難隨老母慘澹向時人謝氏尋山屐謝

仇云首言山人奉母入關往時得以相遇公頴水出少室山東南入於淮

上寺竟全

多藝學仙皆屬觀義

次言山人才具出人故得伸其孝養

王右仲云山人以道術名而公極稱其孝有關世教不淺

此憶在華相遇旋別之事此處敘收復事只用兩句該括詳略各極其至

此言山人得還

木言金

陶公漉酒巾陶潛傳郡將候潛逢其酒熟取頭上葛巾漉酒畢還

羣凶彌宇宙此物在風塵歷下謂齊州姜被亦借言其奉

關西得孟隣浦注關西謂潼關以西當指華州列

早通交契密晚接道流新公蓋交山人於歷下而再遇之於華州也

靜者心多妙先生藝絕倫草書何太古詩興不無神

曹植休前輩張芝更後身羊欣論書宏農張芝高尚不仕善草書精勁絕倫人謂之草聖

吟可老一字賣堪貧猶云字值千金將恐曾防寇詩將恐將懼深潛託

所親甯聞倚門夕言不暫相違盡力潔飧晨疏懶為名誤驅

辛流轉依邊徼逢迎念席珍時來故舊少亂後別離

頻世祖脩高廟世祖光武廟號後漢書光武建武二年立高廟於洛陽文公賞從臣至德二年

月蜀郡靈武元從功臣皆加封爵次年四月九廟成自長安迎神主入新廟二句借漢晉為喻也商山猶入楚商山

龍秘雲笈七籤老君存思圖凡行道時所存清且思青雲之氣而滿齋室

騎行白鹿馴神仙傳衛叔卿嘗乘駕白鹿見漢武帝三輔決錄

耕巖

非谷口注見結草即河濱神仙傳河上公結草為菴於河濱讀老子

肘後符應驗神仙

囊中藥未陳言尚新也後漢方術志王和平性好道術有書百餘卷藥數囊後人言其

試皆過乃授肘後丹經

上寺竟人

卷六

三

故居惜已不復相見

孤云兵分權散餘孽難除相州九節度之潰病正坐此杜老實有深識非儒生語

自敘棲泊他思山人而寄也

張云起筆真而

阮亭云善寫筆遇

百敘太白詩才能傾動於朝宁

本詩錄錄

尸旅懷殊不愜良覲眇無因自古多悲恨浮生有屈

伸以下正申旅懷不愜之故言山人以世事粗安已得伸學道娛親之志而已則仍所懷未展也此邦今尚武何處

且依仁論語古注仁者功鼓角凌天籟天籟謂風也關山倚月輪

官場羅鎮磧唐書隴右道北庭都護府有神仙鎮又有大漠小磧趙曰四鎮皆置官場收賦斂以供軍需賊

火近洮岷唐書洮岷二州皆屬隴右道宋注接上蕭索論兵地蒼

范鬪將辰謂邊方又逢亂世也大軍多處所餘孽尚紛綸祝注上四言吐蕃之

高興知籠鳥秋興賦序猶池魚籠鳥有江湖山藪之思斯文起獲麟言已困

窮秋正搖落回首望松筠李于德云清圓雅正兼諸公之長無所不有如太廟明堂無所不容如霜天露宇

寄李十二白二十韻

昔年有狂客號爾謫仙人筆落驚風雨詩成泣鬼神

賀知章傳知章自號四明狂客孟榮本事詩自自蜀至京師賀監知章聞其名首訪之請所為文白出蜀道難示之稱歎數四號為謫仙人解金貂換酒與傾

盡醉自是聲譽光赫范傳正新墓碑賀知章吟公鳥樓曲云此詩可以立鬼神矣聲名從此大汨沒一朝

仲文彩承殊渥流傳必絕倫唐書知章言白於元宗召見金鑿毀奏頌一篇賜食帝為調羹召共

龍舟移棹晚奉翰林樂史別傳上命李邕年持金花綵宣賜李白白宿醒未解援筆賦之立進清平調三章用元宗

獸錦奪袍新獸錦袍織錦為獸文也舊唐書武后令從臣賦詩見一卷東方虬先成賜以錦袍宋之間繼進詩尤工於是

白日來深殿青雲滿後塵仇注指文士之追隨者乞歸優詔

遇我夙心親未負幽棲志唐書白為高力士所請自知不為親近所容懇求還山帝賜金放還

杜詩竟餘

卷六

七

此敘白辭歸後  
病相交契之情

兼全寵辱身

言其寵辱不驚  
獨能全身而退

劇談憐野逸

公自謂

嗜酒見天真

上二乃乞歸之故  
此一見夙心之投

醉舞梁園夜

統志梁園一名兔園  
在今歸德府城東

行歌泗水春

唐書泗水縣屬兗州  
浦注天寶初白東遊公亦在梁齊間與之遇

才高心不展道屈善無隣處

士禰衡俊諸生原憲貧稻梁求未足蕙苴謗何頻

馬援

傳援征交趾載蕙苴種還人謗之以為明珠大貝蔡注此以喻永王璘反謂白為參屬與謀也

五嶺炎蒸地

鄧德明南康記始興大庾

嶺桂陽騎田嶺九真都隴嶺臨賀萌浩嶺始安越城嶺是為五嶺

三危放逐臣

山海經三危之山廣圓百里在鳥鼠山西與岷

山相接插地志三危山在沙州燉煌縣東南二十里山有三峯故曰三危宋注太白時流夜郎三危去夜郎甚遠此特借言其放逐耳按漢夜郎縣屬牂牁郡

唐屬珍州牂牁郡在今播州界珍州在今施州

幾年遭鵬鳥

注見獨泣向麒麟

蘇武元還漢

黃公豈事秦

楚筵辭醴日梁獄上書辰

注皆見本卷以比白不與其謀按太白書懷詩云半夜水軍來尋陽滿旌旆空

名適自誤迫脅上樓船徒賜五百金棄之若浮烟辭官不受賞翻論夜郎天可與此詩相發明

已用當時法誰將此

議一作陳老吟秋月下病起暮江濱

白時以放後還尋陽

隔乘槎與問津

朱注未嘆如白之才而恩波不及故欲乘槎以問之天也然曰莫怪亦有喻以安命意

別贊上人

將去秦州赴同谷

百川日東流客去亦不息我生苦漂蕩何時有終極

贊公釋門老放逐來上國還為世塵嬰頗帶憔悴色

楊枝晨在手

華嚴淨行品手執楊枝當願眾生皆得妙法究竟清淨涅槃經諸大比丘等於晨朝日出離常住處嚼楊枝遇佛

豆子雨已熟

叶熱華嚴疏鈔譬如春月下諸豆子得救口澡手

杜詩竟塗

卷六

三

抄

張云用事精切  
過護語何等渾

此痛其見汚永  
正而抱枉莫伸  
也  
結到當下無限  
悲愴



相勉語極真至

如浮雲維摩經是身如浮雲須臾變滅安可限南北異縣逢舊友初欣寫  
胸臆天長關塞寒歲暮饑凍逼二句去秦之故野風吹征衣欲  
別向曛黑馬嘶思故樞歸鳥盡斂翼古來聚散地宿  
昔長荆棘蔣云隔夕巨宿三日曰昔二句即俯仰之間已為陳迹意相看俱衰年出處各努  
力

兩當縣吳十侍御江上宅

舊唐書鳳州兩當縣漢故道縣地今屬鞏昌府吳十侍御名郁

見後成都詩杜臆時侍御尚在長沙公過其空宅思及往事而作

張云開手寫慘  
淡之景遷客憂  
危寂冥行徑俱  
已傳出寫景即

寒城朝煙淡山谷落葉赤陰風千里來吹汝江上宅  
鷓鴣雞號枉渚陸雲詩通波激枉渚日色

在寫情

傍阡陌借問持斧翁

漢書王計傳繡衣御史暴勝之使持斧逐捕盜賊亦暗用吳剛事切姓

幾年長

沙客哀哀失木狖淮南子猿狖失木而擒於狐狸非其處也矯矯避弓翮亦知故

鄉樂未敢思宿昔在鳳翔都共通金閨籍天子猶

蒙塵東郊暗長戟兵家忌間諜此輩常接跡臺中領

舉劾君必慎剖析不忍殺無辜所以分白黑上官權

許與失意見遷斥朱注時必有賊間中傷朝臣吳為分割是非以仲

尼甘旅人向子識損益後漢書向長字子平讀易至損益卦喟然嘆曰吾已知富不如貧貴不如賤但未知

朝廷非不知閉口休歎息況遷斥非人主意又何

余時忝諍臣丹陛實咫尺相看受狼狽謂不能救也至死難

死何如生耳言當安於義命

死何如生耳言當安於義命

況遷斥非人主意又何

余時忝諍臣丹陛實咫尺相看受狼狽至死難

蔣云窮途失意  
時回首生平越  
多懺悔四句最  
是真情

杜詩錄

卷六

塞責行邁心多違出門無與適時將赴同谷於公負明義惆

悵頭更白言補過無日也

劉須溪云子美心事如此固宜一出言而傳不朽非徒言也○申息盟云余時忝諍臣四句真情實語聲淚俱下王摩詰云知爾不能薦羞稱獻納臣兩公心事如青天白日他人便多迴護矣

夫木

